

易

經

如

話

易經如話小序

歲乙亥予偶客湘湖程玉齋從予受易與之言頗領大畧因請予  
所著六經詮義奈予書尙未成就而請之再三遂許以異日著全  
授之爰手先書此冊授之類之曰如話嗚呼易豈易言邪而亦豈  
容多言邪聖人言之矣曰君子所居而安者易之序也所樂而玩  
者爻之辭也君子居則觀其象而玩其辭動則觀其變而玩其占  
學易之道如斯而已又曰神而明之存乎其人嘿而成之不言而  
信存乎德行易豈易言而亦豈在多言者經師之言日紛易學所  
以愈支離也然而既已言之而又類之曰如話夫非已淺則正以

不欲深求謂體驗存乎其人第言之如此而已明已足也果其志  
在嘿成期於自得則率吾言而讀之久之亦并吾言可不事無往  
而不有以見易之微耳如其但以言求而欲事此爲羔鴈資也則  
今日經師不少其人其言之當彌富彌文且有翻新而可喜者又  
不待予言之喇喇也乾隆乙亥之一陽至日婺源汪烜識

易經如諸目次

卷之首

易圖說

筮儀

卷之一

周易上經

卷之二

周易下經

卷之三

象上傳

卷之四

象下傳

卷之五

象上傳

卷之六

象下傳

卷之七

文言傳

卷之八

繫辭上傳

卷之九

繫辭下傳

卷之十

說卦傳

卷之十一

序卦傳

卷之十二

雜卦傳


目次終

易經如話卷之首

汪烜學

易圖說

古河圖



河中龍馬負圖河中地名也今山西

州解州馬八尺以上曰龍古八尺是也

五其圖馬背上毛旋也旋去聲毛旋

有自一至十之數而一六居後二


七居前三八居左四九居右五十

居中有陰陽五行之理寓焉故伏

養因之而盡八卦也俗子每不知龍馬為何物




# 河圖圖



故詳其  
說其此

數始於一十百千萬皆一之積也  
對一爲二一之行爲三三二之合爲  
四陽奇陰耦陽以始物故一爲太  
陽而三則陽之行也故三爲少陽  
陰作成物故四爲太陰而二者陰  
之半也故二爲少陰合一四則五  
合二二三亦五而陰統於陽五爲中  
數也數以十爲全而一太陽則合  
九故九爲太陽之數二少陰則合  
八故八爲少陰之數三少陽則合  
七故七爲少陽之數四太陰則合  
六故六爲太陰之數五與十則陰  
陽之合數也故中五與十太極也  
奇耦兩儀也分太少四象也分一  
二三四六七  
八九八卦也

古洛書



神龜負書出於洛水一尺二寸以

上爲神龜約今只七寸八分其書卽龜背

之文也以其有文如文字故謂之

書其數自一至九戴九履一左三

右七二四爲肩六八爲足其數亦

合五行而虛其中五則四方皆十


大禹因之以第九疇也漢儒以五行五事等

字皆洛書文

則失之矣

天地之數不外於五行洛書亦五行而已但河圖以五生數統五成


圖書洛



數而各居其方洛書則以五奇數  
統四耦數而奇數居於四正耦數  
輔於四耦也其與圖不同者圖之  
九在西書之九在南圖之七在南  
書之七在西蓋西南成物之方金  
火兩易其位則圖以左旋而相生  
書以右旋而相克所以著五行之  
用也大禹因之以第晦則以五行  
爲性命之本而以中五建皇極之  
主其取類又不規規於書之位數  
示○圖書自三衢劉牧始兩易其  
名而術數家又以後天八卦附之  
洛書全  
失之矣


伏羲因圖畫卦蓋只是見得天地之間莫非一陽一陰之迭運而已

伏 幾 入 卦 次 序 橫 圖



而因數以顯之故畫一奇一耦以象之因一陽一陰有各生一陽一陰之理故於奇耦之上復加一奇一耦而爲四象又於四象之上復加一奇一耦則三才之道備而爲八卦故其序則乾一兌二離三震四巽五坎六艮七坤八因其象所寓之理而命之以乾兌離震巽坎艮坤之名也

伏 藏 入 卦 方 位 圖 圓



以八卦合之河圖則乾積三奇居一含九為老陽坤積三偶居四含六為老陰離二奇一偶居二含七為少陰坎一奇二偶居三含七為少陽此皆當位自得而居之四正兌以太陽交太陰一加五而得六艮以太陰交太陽四加五而得九震以少陰交少陽二加五而得七巽以少陽交少陰三加五而得八此皆陰陽之推而居於四隅也然其以橫圖而圖之為圓圖者則以見健順陷離動入止說之情為有合於天地水火雷風山澤之象故擬諸造化天高地下日東月西雷東北風西南艮西北澤東南之位而位置之又必如河圖之數位也及夫方位既定則又見陽始東北著於正東至東南而陰盡於上

爲純乾陰始西南著於正西至西北而陰盡  
於上爲純坤此又陰陽造化自然之運也


河圖之數虛其中五與十大衍而爲著策之數是其一動一靜而  
卦爻皆由是顯而中五與十又本自含有一二三四五六七八九之  
位數是卽所以擬太極也其一三七九皆奇是陽儀也二四六八  
皆耦是陰儀也又分之則一含九爲太陽二含八爲少陰三含七  
爲少陽四含六爲太陰則四象也乾兌皆生於太陽乾九兌一也  
離震皆生於少陰離八震二也巽坎皆生於少陽坎七巽三也艮  
坤皆生於太陰坤六艮四也

胡雙湖以四圖兌以一圖艮以作  
二圖巽以三圖震其說非是

以作  
圓圖則左畔自震至乾初畫皆奇卽陽儀右畔自巽至坤初畫皆



# 卦次序橫圖




繁枝不見根觀象徒勞推瓦卦玩辭亦是逞空言須知一本能雙幹始信千兒與萬孫喫緊包犧為人處悠悠千古鄒誰論正謂此圖也

十六三十二法象未備則未能爲立名耳




此圖中空處即大極也左畔自復至乾初畫皆陽即陽儀也右畔自臨至坤初畫皆陰即陰儀也左畔自復至同人次畫皆陰即少陰也自臨至乾次畫皆陽即太陽也右畔自臨至師次畫皆陽即少陽也自遁至坤次畫皆陰即太陰也至第三畫則內卦已全而

# 伏 爻 十 四



# 卦方位置圖




八卦備矣第四第五第六則外三畫復得八卦所謂四而重之入卦而益也其序則皆以乾一兌二離三震四巽五坎六艮七坤八為次第也

此圖下一層  
皆乾次一層  
皆兌又次一  
層皆離又次  
一層皆震又  
次一層皆巽  
又次一層皆  
坎又次一層  
皆艮最上一  
層皆坤又在  
右一行皆乾  
次一行皆兌  
次左一行皆  
離又左一行  
皆震又左一  
行皆巽又左  
一行皆坎又  
左一行皆艮

邵子詩曰冬至子之半天心无改移一陽初動  
處萬物未生時元酒味方淡太音聲正希此言  
如不信更讀周包犧又詩曰耳目聰明男子身  
鴻鈞賦子不為貧須知月窟方知物未臨天根  
豈識人乾遇巽時觀月窟地逢節處見天根天  
根月窟開來往三十六宮都是春此皆以圓圖  
言也子之半天即以坤見復之間言也月窟謂乾  
遇巽天根謂坤遇復都是春言莫非生意也又

伏  
巽  
六  
十  
四



卦

最右一行皆坤以從中起

方

則所謂雷以動之風以散

位

之雨以潤之日以烜之艮

方

以止之兌以君

圖

說之乾以君之坤以藏之

是也此圖邵

子在圖圖中

朱子移置在

外以圖圖中


空象太極不

欲以方圖塞

之耳。圖主


動象天方主

靜象地也



詩曰天地定位否泰反類山澤通氣損咸見義  
 風雷相薄恆益起意水火相射既濟未濟四象  
 相交成十六事八卦相盪為六十四卦即以此方  
 圖言也。○三十六宮以六十四卦之中惟乾坤  
 坎離順大過中孚小過八卦只成八卦无反對  
 餘五十六卦則皆反對可成二卦如屯蒙反對  
 只一卦雷訟反對只一卦之類則五十六卦則  
 覆只二十八卦合乾坤八卦則三十六卦也

文王八卦次序圖



此以乾天有父象坤地有母象而

萬物皆本乎天地故震巽坎離艮

兌謂之六子卦惟一陽則主於一

陽而為男卦惟一陰則主於一陰

而為女畫卦自下而上故以得乾

初中上爻得坤初中上爻為長中

少之次序就卦畫看自有此象不


必揲蓍時所得之先後也

勿泥  
案字

震之一陽生物之心即乾之全體所見一陽之動乾元之資始也  
巽次之巽六之一陰坤元之資生也萬物相見乎離陽著乎外而陰

# 文王八卦方位圖

漢唐儒者推主此圖而先天圖則為脩鍊方士所創儒者蓋鮮知之乃



日者陰陽家如奇門之類則又以後天八卦附於洛書之九宮皆誤也

舍於中所謂亨者嘉之會也坤土以養之化其光而觀於利矣兌則說澤外見所謂利者義之和也乾居西北物成而各全其天矣坎則陽氣伏藏於內於人物為已成之性保合太和也艮居東北成終成始所謂貞者事之幹而貞又以起元也然先天震在東北而後天震在正東以生氣之已見者為位也先天離東坎西後天離南坎北以水火之正位所旺也先天兌在東南天之澤物後天兌在正西物受澤是也先天艮在西北生氣已止後天艮在東北生意之所舍者極於上而復反於下也大約後天所以著先天之用以其德與象為義而不必循卦畫之次序云

卦變圖

彖傳或以卦變為說今作此圖以明之  
蓋易中之一義非盡卦作易之本旨也

凡一陰一陽之卦各六皆自復姤而來  
五陰五陽 卦同圖異

比 ䷇ 師 ䷆ 復 ䷗

大 ䷍ 小 ䷋ 履 ䷉ 同人 ䷌ 姤 ䷫

凡二陰二陽之卦各十有五皆自臨遯而來  
四陰四陽 卦同圖異

頤 ䷚ 屯 ䷂ 震 ䷲ 明 ䷔ 臨 ䷒

蒙 ䷃ 坎 ䷜ 解 ䷧ 升 ䷭ 往得衆 解自升來

艮 ䷳ 蹇 ䷦ 小 ䷈ 過 ䷽ 往得中 蹇自小過

晉 ䷢ 萃 ䷬

觀 ䷓

大過 ䷛ 鼎 ䷱ 巽 ䷸ 訟 ䷅ 遯 ䷠ 鼎自巽來柔進而上行訟自遯來剛來而得中

革 ䷰ 離 ䷝ 家人 ䷤ 无妄 ䷘ 无妄自訟來剛自妄外來而為主於內

兌 ䷹ 睽 ䷥ 中孚 ䷼ 睽自離中孚家人

需 ䷄ 大畜 ䷙ 自需

大壯 ䷡

凡三陰三陽之卦各二十皆自泰否而來

損 ䷨ 節 ䷻ 歸 ䷮ 泰 ䷊ 泰自歸

易經卦名 易經卦名 易經卦名





咸 ䷞ 漸 ䷴ 否 ䷋ 否自漸 咸自旅

未濟 ䷿ 漸 ䷴ 漸自漸來剛來而不窮 柔得位乎外而上同

井 ䷯ 漸 ䷴

恆 ䷟


隨 ䷐ 益 ䷩ 隨自噬嗑 噬嗑自益

既濟 ䷾ 賁 ䷖ 賁自損 既濟

豐 ䷶

節 ䷻ 損 ䷨

歸 ䷮ 旅 ䷷




泰

泰自


歸故

凡四陰四陽之卦各十有五皆自大壯觀而來


二陰二陽  
圖已見前



大



雷



大

大

大

大


大

大


大

大

大



厥



兌

緊自離中

孚家人

緊自離中

孚家人

緊自離中

孚家人

緊自離中

孚家人

緊自離中

孚家人



孚



中

孚

中

孚

中

孚


中

孚

中

孚

中



離



革

離

革

離

革

離

革

離

革

離

革



人



家

人

家

人

家

人


家

人

家

人

家



无



妄

无

妄

无

妄

无


妄

无


妄

无

妄



大



過

大

過

大

過

大

過

大

過

大

過

巽 ䷸

訟 ䷅

遯 ䷠

萃 ䷬ 晉 ䷢ 觀 ䷓

蹇 ䷦ 艮 ䷳ 蹇自 小過 ䷽

小 ䷍

坎 ䷜ 蒙 ䷃

解 ䷧

升 ䷭ 解 ䷧

䷗ 屯 順

䷌ 震 震

䷔ 明 明

䷒ 臨 臨

凡五陰五陽之卦各六皆自夬剝而來 一陰一陽 觀已見前

䷪ 夬 大 有 夬

䷋ 小 有 小

䷊ 履 履

䷌ 同人 同人

䷗ 漸

䷇ 比 剝

䷌ 豫

䷋ 謙

䷆ 師

䷗ 復

彖傳中多有以卦變言者如訟之剛來得中无妄之剛自外來而為主於內此不作卦變說則剛辭不去王弼之說既不自然如責自泰來之說自說不行程子一概不取則剛來得中剛自外來及柔來文剛等處來字上字俱无著落故朱子將作此圖以明之其誠實只是上下調換一爻然自有法象自然之妙後學不能細心考索則反疑朱子為杜撰一法抑知交易變易天地間本自舒泰

何必疑卦畫既定便必无復卦變爲此卦之理也蓋此所謂卦變與揲著之變爻正可相參假即筮得該卦初二兩爻變則兩陰變爲陽二陽變爲陰是剛自外來而爲主於內矣又如遯卦二二三兩爻變則二陰變爲陽三陽變爲陰是剛來而得中矣彖辭雖不占動爻及變卦然文王繫彖責道觀卦之變動以爲言以竊一卦之材在文王繫彖時亦不知周公之更繫六爻也故孔子曰剛柔相推變在其中矣繫辭焉而命之動在其中矣孔子說文王之彖或兼取卦象卦德卦體卦變而言又或專取卦體言如比順之類或專取卦德言如豐卦之類或專取卦變言如升漢之類雖孔子之意亦未必盡如文王之意然要必如其說而後卦彖之義可通也朱子作此圖於卦變自包舉未盡要舉一隅而使入以三隅反耳學者須知活變且并參之觀彖三十二圖及揲著變法自无不相通尤庸

義一也

朱子云易於玩辭所得者淺於觀象所得者深此所圖雖不過仍朱子之舊非能有加然刻本外諸俗解駁雜此所寫本則頗而詳且无所謬誤矣宜珍玩之

筮儀

擇地潔處爲著室南戶置牀於室中央

牀大約長五尺廣三尺毋太近壁

古人此几案之屬皆謂之牀。此朱子時宋尺與今尺同。

著五十莖韜以纁帛貯以皂囊納之櫃中置於牀北

櫃以竹筒或堅木或布漆爲之圓徑三寸如著之長

士書用三尺古三尺

當今尺一尺九寸強

半爲底半爲蓋下別爲臺函之使不偃仆

臺即今所謂托也

木爲之高約五寸中作圓穴亦圓徑三寸許以受著櫃。纁赤

色帛皂黑也色帛也韜也裹之也既韜之乃以皂囊貯之而後納

之櫃中爾

臺之函中也

設木格於櫃南居牀二分之北



重訂注子遺書 易經如話首之十三

曲水書局

格以橫木板爲之高一尺長竟牀當中爲兩大刻相距一尺

刻以容分二象兩之著使不溢出也 大刻之西爲三小刻相距各五寸許

此三小刻以容歸奇之著使不相淆亂也 下施橫足側立案上

下施橫足以取平其厥則後高前下以側倚所分所奇之著故云側立案上也案即牀也格於牀二

分之北則前餘二尺以爲擗著之地也 置香爐一於格南香合一於爐南日炷香致敬將筮則灑掃拂拭

滌硯一注水及筆一墨一黃漆板一於爐東東上筮者齊潔衣冠

北面盥手焚香致敬

今盒同齊偶皆反

筮者北而見儀禮若使人筮則主人焚香畢少退北面立筮者進立於牀前少西南嚮受命主人直述所占之事筮者許諾主

人右還西嚮立筮者右還北嚮立

還音悅。此儀皆放儀。禮黃漆版所以書文也。

兩手奉檮蓋置於格南爐北出著於檮去幾解韜置於檮東合五

十策兩手執之熏於爐上

奉上聲去起呂反

此後所用著策之數其說並見啟蒙

以下並參啟蒙為註

命之曰假爾泰筮有常假爾泰筮有常某官姓名今以某事云云

未知可否爰質所疑於神於靈吉凶得失悔吝憂虞惟爾有神尚

明告之乃以右手取其一策反於檮中而以左右手中分四十九

策置格之左右兩大刻

此第一營

繫辭傳四營而後易

所謂分而為二以象兩也

量其一不用以象太極而其當

用之策凡四十有九蓋兩儀體具而未分之象也乃信手中分以象兩儀。按數以奇行置一不用而四十九策之用皆此一策之用矣不川之用所以象太極也

次以左手取左大刻之策執之而以右手取右大刻之一策掛於

左手之小指間

掛藏卦上聲

此第二營所謂掛一以象三者也

掛右手一策於左手小指之間以象三才。人負陰而抱

陽太極由靜而生動故取右策掛於左小指間左陽儀也

次以右手四揲左手之策

揲食列反

此第三營之半所謂揲之以四以象四時者也

合後以左手四揲右手之策而

後第三營始備故此云第三營之半也。所謂揲之以四者每以四數其策而置之狀上也

次歸其所餘之策或一或二或三或四而扚之左手無名指間

此第四營之半所謂歸奇於扚以象閏者也

合後揲右策所餘之扚而後第四營

始畢故凡云第四營之半也。○閏者每歲之餘日也凡每歲以三百六十日爲大比而自今歲立春日以至於來歲之立春日則得三百六十五日零三時較早數多五日三時謂之氣盈每歲十二月月有大盡小盡不同每歲只約得三百五十四日有奇較平數少五日有奇謂之朔虛令氣盈朔虛約得十一日有奇積之以待置閏有閏月而後歲之四時不忒也積三歲則得三十三日有奇故三歲而置一閏月筮之歸奇於扚象之左傳曰歸餘於終

次以右手反過揲之策於左大刻遂取右大刻之策執之而以左手四揲之

此第三營之半

合前四揲左手之策爲第三營

次歸其所餘之策如前而劫之左手中指之間

此第四營之半

合前左手所餘之劫於小指間爲第四營

所謂再劫以象再問者也

三歲一問而仍餘故五歲再問然五歲再問則日又不足故十九歲七問而後氣朔均齊謂之一章此再劫所以象再問也

一變所餘之策左一則右必三左二則右亦二左三則右必一

左四則右亦四通掛一之策不五則九五以一其四而爲奇九

以兩其四而爲耦奇者三而耦者一也

劫音勒奇音基。左一則右三左二則右二左

三則右一合之皆四通掛一之策而五凡得五者三五除一則四以四約之爲一故爲奇即兩儀之陽數也左四則右亦四合之則八通掛一之策而九凡得九者一九除一則八以四約之爲二故爲耦即兩儀之陰數也其以四約之者因據之以四之義也。以四爲一猶元亨利貞之運水木火金之氣也其有掛一而五即合中士而五行也五行一陰陽也陰陽一太極也故

五以一其四面爲奇九

以兩其四面爲耦也

次以右手反過揲之策於右大刻而合左手一掛二扚之策置於格上第一小刻是爲一變

以東爲上後放此

再以兩手取左右大刻之蓄合之

或四十四策或四十策

前一變之奇得奇則仍存四十四策得耦則仍存四十策

復四營如第一變之儀而置其掛扚之策於格上第二小刻是爲

二變

復扶又反營  
子平反下同

二變所餘之策左一則右必二左二則右必一左三則右必四

左四則右必三通掛一之策不四則八四以一其四而為奇八

以兩其四而為耦奇耦各得四之二焉二變之外而掛一掛四歸奇皆與一變同法或

謂二變二變不掛一者非也一變所餘之策左一則右二左二則右一合之皆三通掛一之策而四得四者二四以一其四

而為奇也左三則右四左四則右三合之皆七。通掛一之策而八是得八者二八以兩其四而為耦也。此通掛一為四為

入者生氣既非則土只在四時中太極只在陰陽中耳

又再取左右大刻之舊合之

或四十策或三十六策或三十二策商變二變皆得奇則仍存四十策得一奇一耦則仍

存三十六策若皆得一耦則仍存三十二策

復四營如第二變之儀而置其掛扚之策於格上第三小刻是為

三變

三變餘策與二變同

三變舉則成一文矣

三變既畢乃視其三變所得掛扐過揲之策而畫其爻於版

掛扐之數五四為奇九八為耦掛扐三奇合十三策則過揲三

十六策而為老陽其畫為○所謂重也

掛扐之數十有三除初掛之一為十有二以四

約而三三之分之為一者三三奇象圓而圓三故三三之中各復有  
三而補三三之數則為九過揲之數三十有六以四約之亦得  
九焉即四象居一合九之數也○掛扐兩奇一耦合十七策則  
○一合九一中畫片即有九陽也

過揲三十二策而為少陰其畫為--所謂拆也

掛扐之數十有七除初掛之一

為十有六以四約而三三之分之為一者二為二者一二奇象圓而  
用其全故二一之中各復有三三耦象方而用其半故一二之



中復有二焉而積二二二二之數則爲八過揲之數三十掛

有二以四約之亦得八焉四象少陰居二合八之數也掛

兩耦一奇合二十一策則過揲二十八策而爲少陽其畫爲一

所謂單也掛劫之數二十有一除初掛之一爲二十以四約

各復有二一奇象圖而用其全故一一之中復有三焉而積二

二二三之數則爲七過揲之數二十有八以四約之亦得七焉

即四象少陽居三合七之數也○圖者徑一而圓三方者徑一

而圓四圖用其全方用其半此說卦傳所謂參天兩地而倚數

者也若夫概言之則兩奇一耦以耦爲主故爲少陰兩耦一奇

以奇爲主故爲少陽積震坎艮皆一陽二陰而爲陽卦巽離兌

皆一陰二陽而爲陰掛劫三耦合二十五策則過揲二十四策

而爲老陰其畫爲×所謂交也掛劫之數二十有五除初掛之

爲二者二二三耦象方面用其半故三三二之中各復有二而積三

二之數則爲六過揲之數亦二十有圖以四約之亦得六焉即

如是每三變而成爻

第一第四第七第十第十三第十六凡六變並同但第三變以下不命而但用四十九蓄耳第二第五第八第十一第十四第十七凡六變亦同第三第六第九第十二第十五第十八凡六變亦同

凡十有八變而成卦乃考其卦之變否而占其事之吉凶

卦變別有圖說見啟蒙

卦之變法老陽數極於九則退而爲八  
老陽變少陰也老陰退極於六賤進而

爲七老陰變少陽也少陰退而末極於老少陽進而末極於老故惟老陽老陰則變而少陰少陽不變也

附啟蒙占法

六爻不變則占本卦彖辭

如乾卦六爻皆不變者則占乾元亨利貞句也

而以內卦為

貞外卦為悔

洪範曰貞曰悔蓋貞者事之正悔者事之變也六爻皆不變則以內卦為貞外卦為悔如這得屯卦

而六爻皆不變則所占在屯元亨利貞勿用有攸往利建侯而貞震悔坎是亦宜守靜則能有為變動則或有險也

一爻變則以本卦變爻辭占

如得乾卦初爻變則占初九潛龍勿用乾卦二爻變則占九二見龍

在田利見大人也。此當以本卦為貞所變之卦為悔如乾卦初爻變則為乾之姤貞乾悔姤也乾卦二爻變則為乾之同人

貞乾悔同人也但所變未甚則只主於貞耳

二爻變則以本卦二變爻占仍以上爻為主

如得乾之初二兩爻變則占九二為

主或初二或二二三兩爻變則占九二為主也朱子曰凡變爻就其爻之極處看所以以上爻為主。愚按此當以下爻為貞以

上爻爲善蓋下爻今日月前所處而上爻則事變將來之應以有二爻變時所占又主於悔也

三爻變則占本卦及之卦之彖辭而以本卦爲貞之卦爲悔前

十卦主貞後十卦主悔

凡卦一爻變者有六卦二爻變者有十五卦三爻變者有二十卦四爻變者有十二卦

十五卦五爻變者有六卦此如圖說中之卦變圖及啟蒙之三十二圖爲尤詳也蓋卦有三爻變則所變之分數已多不得復主於一爻又在本卦之爻不能復主於一卦故須合本卦及之卦之彖辭爲占而本卦及之卦又莫適爲主卦辭未必相同故以本卦爲主之卦爲傳而所得在二十卦之前十卦者則主於貞以本卦之彖辭爲主守本卦之彖所云无慮乎事之變也者所得在二十卦之後十卦者則主於傳以之卦之彖辭爲主本卦之彖事屬已然而後此之變吉凶則以之卦爲未然而將然者宜更知所審也。前十卦後十卦之說如本卦得乾其有三爻變者自否至泰凡二十卦而中分自否至恒爲前十卦自益至泰爲後十卦也若本卦得坤其有三爻變者自泰至否凡二十卦而中分自泰至益爲前十卦自恒至否爲後十卦也假如

占得乾之節三三三則在後十卦而占以節亨者節不可貞爲主我雖有乾德而後此宜行之有節又不宜固守一節矣此後十卦主悔也若得乾之旅則在前十卦三三三而占以乾元亨利貞爲主我不失乾德无患乎旅但恐我无德乾則後此或至於旅耳此前十卦主貞也此須看朱子履象之三十二圖而察象辭有是法遇遇卦之二爻變者觀其自初爻變者則占主本卦象辭若三爻變而初爻不變者則占主之卦象辭蓋以三爻中有初爻變則在前十卦中三爻中无初爻變則在後十卦中故也

四爻變則以之卦二不變爻占仍以下爻爲主

如得乾之初二上不變是爲乾之觀則以觀卦之九五上九爲占而以九五爲主又如得屯之三四五上皆變惟初二不變是爲屯之離則以離卦之初九六二爲占而以初九爲主也朱子曰不變不是其常只順其先後所以以下爻爲主又云二爻不變者下便是不變之太故以之爲主○按此就二不變爻中又以下爻爲貞上爻爲悔而主於貞也

四爻變則以之卦二不變爻占仍以下爻爲主

三四皆多惟五

上不變是爲乾之觀則以觀卦之九五上九爲占而以九五爲主又如得直之三五四上皆變惟初二不變是爲屯之離則以離卦之初九六二爲占而以初九爲主也朱子曰不變不是其常只順其先後所以以下爻爲主又云二爻不變者下便是不變之本故以之爲主○按此說二不變爻中又以以下爻爲貞上爻爲悔而主於貞也

五爻變則以之卦不變爻占

如升蒙卦之初二三五上皆變惟六四不變是爲蒙之既濟則以既

濟之六四繻有衣袽終日戒爲占也○此  
離太卦已遠其不變爻又卽悔中之貞也

六爻變則乾坤占二用餘卦占之卦之彖辭

此亦以太卦爲貞之卦爲悔而變已

至盡則占

主於悔也

禮畢輒著蓍之以蠶入櫝加蓋歛筆硯墨版再焚香致敬而退

如使人筮則主人焚香揖筮者而退

易本以占筮爲用故特詳註此篇仍置於圖說之後其小註  
多參啟蒙能細心玩之則不患不能用矣

後學李承超重訂

後學李啟泮

李振秀

余龍光

余麗元

李際居校正

後學李振璠

潘鴻儀校錄

易經如話卷之首終

易經如話卷之一

汪烜學

周易上經

三三

乾下

乾上

乾元亨利貞

六畫皆奇得陽之純上下皆乾為健之至天道純陽

此對地言故曰純陽

其實天自具陰陽也

而至健

以運行不息言

所以發育萬物生生不窮人乘天之

理氣以生與天同體所以浩然之氣至大至剛塞乎天地无所

不通但天之生物其理无不正固人或不能直養无害則失其

所以生之理而其氣亦不剛不健不能大通矣故文王於純陽



之卦占得此而六爻皆不變者則繫之曰其占當得大通而必利在正固蓋能正固則乾而元亨苟不正固則非乾而不得元亨矣○文王卦彖只作大通而利於正固解不分四德

初九潛龍勿用

三三

乾之姤

此筮得乾卦而初爻動者凡筮卦於陽爻得七則不

動

二稱一奇則七過揲四七二十八也

得九則動

三奇則九過揲四九三十六也

周公於筮得此

卦而初爻動者繫之曰潛龍勿用九爲龍德在初則潛其占宜靜以自守而不可動作有爲也蓋時未可爲其位在下不當有爲若出位而有爲則非龍德矣

九二見龍在田利見大人

三三

乾之同人

此筮得乾卦而第二爻動者周公繫之曰見龍在田

利見大人九為龍德二則已見見而居二未為時用故曰在田剛中而其德已顯為當時所利見之大人占者自審己有龍德則為人所利見己非龍德則其占為利見在下之大人如孔子孟子及凡未得位之賢人君子皆是也

九三君子終日乾乾夕惕若厲无咎

三三

乾之履

此筮得乾卦而第三爻動者周公繫之曰君子終日

乾乾夕惕若厲无咎前乾將終後乾繼之乾而沒乾故曰乾乾

初爲晨二爲晝三則夕矣居三而動是夕猶惕然也九三居上

卦之下爲下卦之上是上有事君之職下有治民之責居職任

事是爲危厲之地而乾體剛正

以九居二陽居陽位故爲剛而得正

占得此爻動

之君子爲能終日進德脩業乾之又乾雖至夕而猶惕然不敢

卽安則有以自盡其職分之所當爲而上可以事君下可以治

民雖處危地而得无咎矣蓋苟非乾乾惕若則不得爲君子况

以事上无以治下而爲凶咎之所叢也

凡在乾卦皆爲龍德但以終日乾乾之言爲最

无所取故不言龍耳象傳言時乘

六龍則未嘗不以九三爲龍也

九四或躍在淵无咎

三三

乾之小畜

此筮得乾卦而第四爻變者周公繫之曰或躍在淵

无咎離下卦而入於上卦爲躍雖入上卦而居上卦之下故爲  
在淵凡四爻爲疑位居進退之間故曰或凡君子於進退之際  
必宜內度之己外度之人可以進而後進否則寧退身以待如  
伊尹之三聘而後出是也故一進而遂可以有爲於當世不然  
則出處之際一有不慎或至失身而不可悔凶咎叢之矣故筮  
得此爻者當出處之際能慎之又慎或者將躍矣而猶在淵以  
有待則可无躁進妄動之咎也

爻雖不言龍然曰躍曰在淵亦是以龍言

九五飛龍在天利見大人

三三三

乾之大有

此筮得乾卦而第五爻變者周公繫之曰飛龍在天

利見大人九五剛健中正

九剛健居五得上卦之中以九居五為得正

全乎大人之

德故曰龍進而居五為飛而在天

初二象地三四象人五上象天

以大人之德

居大人之位其德澤遍及於天下占者未易以當此其占為利

見在上之大人也

五為陽居上之中故多取為君位上爻則過高而又為陰位出位之外矣

上九亢龍有悔

三三三

乾之夬

此筮得乾卦而上爻變者周公繫之曰亢龍有悔九

為龍德居上則亢且上為陰位非陽之正是无位也過亢而失

位則動必有咎矣故有悔悔者自悔其失之辭以其終龍德也

故能悔能悔則不亢矣能位高而心下不敢過亢則亦无悔矣  
用九見羣龍无首吉

䷀䷁

乾之坤

周易占法凡筮得陽爻者皆用九而不用七九動而

七未動也

其有四五爻變者則又用之卦之七為占用七而不用九然筮卦動爻恆少也

筮得乾卦而

六爻皆變則宜占坤之卦彖周公以其自陽而變與本得坤卦  
者稍有不同故曰表陽爻用九之例而繫之以辭以為卦本純  
陽然用其陽剛而不知變則恐有過亢之失惟用九則剛而能  
柔順理而為所當為則非不剛健也而非自用其剛其動而无  
不可為也見為羣龍

指六爻皆陽言

其為皆順理有為而非自用也是

不爲首也

以六爻占者能以剛健之資而順理而行未嘗自用

則亦見羣龍而无首吉之道矣剛者難於得吉吉以无首言之

剛而不過然後吉也

坤下  
坤上

坤元亨利牝馬之貞君子有攸往先迷後得主利西南得朋東北

喪朋安貞吉

六畫皆耦得陰之純上下皆坤爲順之至地道純陰

以對天言

其資地亦自具陰陽

而至順

以承天生備言

是以天之所生者地无不爲生之天

之所涵者地无不爲載之君子效地之順而順天无爲則亦无

所行而不通顧地以承天无爲爲順而天之所生所涵地无不  
可以生之載之則至順而有至健者存其一於順天卽其健也  
人或以陰柔之資而委靡不振則順非所順而不足以有行矣  
故文王於純陰之卦占得此而六爻皆不變者則繫之曰人能  
如坤之至順則其占當得大通然必以順而健行如牝馬焉則  
得其所順之正而後爲利也利猶宜也乾爲馬坤以配乾爲牝馬牝  
以柔順言馬以健行言牝馬順人之所行而能健行以至之人  
能於天理之所當行者則率循而力行之不敢少違不敢怠  
而至於非理之事則有守而不從則所謂牝馬之貞而非委靡



從欲之柔矣然終以其質之柔也故不能率人而從人不能斷

義而順從

利斷也

不能自立而當與衆皆自安於柔順之正也故

又言先而自用則迷後以從人則得而主於順其自然之理能

一於順從則衆與之

陰生於南而盛於西皆順陽之所生者而爲之成之之方也此只是要人順從言得

順者著其效也

苟自爲倡率則衆莫之與

陽生於北而盛於東皆爲得而首事之方也非東北果不

可爲但坤道自非所宜耳

大抵能安於正則柔道之吉占也安貞卽牝馬之

貞也○文王繫乾之辭簡繫坤之辭詳所謂卦有大小辭有險

易也於乾不言吉而坤言吉柔固多吉而剛正之難也

初六履霜堅冰至

三爻

坤之復

此筮得坤卦而初爻動者凡筮卦於陰爻得八則於

動

一陽二奇則入過

得六則動

三陽則六過

周公於筮得此

卦而初爻動者繫之曰履霜堅冰至霜與冰皆陰寒之氣所凝而霜爲陰凝之始堅冰則陰凝之盛陰動於初而在下履霜之象然人以爲微寒而忽之抑知由始寒則必至盛寒堅冰之至固在目前耳坤之象地而德配天一陽一陰亦天運之自然然陽主生而陰主殺則又有陽淑陰慝之義卦之中四爻雜物撰德有時位之宜所當觀象惟初上兩爻无位而又爲一事之始終本末故坤卦寓扶陽抑陰之意則於初上發之亦初解擬之

卒成之終也此爻不言吉凶者示人以杜漸防微之意耳冰不能使之不至而豫以禦寒之具則存乎人故不言吉凶也

六二直方大不習无不利

三三

坤之師

此筮得坤卦而第二爻動者中四爻皆有時有位故

因其才德與其所處有中正與否承乘比應之不同為得為失

而繫之吉凶以斷之此爻柔順中正

六柔順二下卦之中以六居二為得正

二爻

正當地位為得地道之全中則靜體之不偏直即不偏也所謂

人之生也直也

柔中之質則非偏於柔者

正則庸行之不易方者合於道理

而有常也得地道之全即所謂大言直方之至也占得此爻者

果能如六二之柔順中正則是內无不直此心常存外无不方  
所行皆正爲直方而且大雖於事之未嘗學習者亦能有以行  
之而无不順矣

所謂不習无不利者亦以敬養夾持之久道理已自純熟豁然貫通故雖未經學習之事亦无

不利耳其實直方而至於大亦從習學得來非謂一概不待學習也

六三含章可貞或從王事无成有終

䷁

坤之謙

此筮得坤卦而第三爻動者以六居三本非正位而

坤卦嫌於无陽則以得三之陽位爲善又坤爲陰之純則不取

不中正之位也三章而六含之蓋柔而无剛则无才不足有爲

六二不爲无剛以其柔中也

含章則足以有爲而又以順行之故可貞亦所

謂牝馬之貞也三居下卦之上則當出而有爲故或從王事在上卦之下臣道无成无成者代君有成而亦不有其功從王而已能從王事則章然從而舍之故无成也○此究竟是柔順之道非人能作爲者

六四括囊无咎无譽

䷋

坤之

此筮得坤卦之第四爻動者以六居四爲得正位而

純柔則无有爲之才又出於下卦之上而處上卦之下當變革

之時无才者不足有爲矣坤有囊象

以坤

純陰則括之

括則不止是舍

有固守之意

以其柔正故能括囊而无咎以其无才則亦无譽矣

六二

柔中能无不利六  
四不中故无譽也

六五黃裳元吉

䷵

坤之

此筮得坤卦之第五爻動者六五柔順得中

上卦黃

中色

東青西白南赤北黑中黃

亦地之色

天元地黃

裳下服亦地象

古人上衣裳天下裳象地

六五位尊而坤體柔中則能自下故有黃裳之象人之恭而自

下非可偽爲若心實驕泰而偽爲聲音笑貌於外則人鮮不識

矣黃者柔中心之自下裳則由中之黃而外著於裳耳敬恭忠

信而由內達外善孰大於此故大善而吉

大善只是吉二元吉外大善而吉二元者善之

長也

上六龍戰於野其血玄黃

䷁

坤之

此筮得坤卦之上爻動者是純陰之象之威有陰小

沛盈之憂矣故周公復以扶陽抑陰之志繫之而不取地道之義所謂卒成之終也龍指陽言一以見兩間之未嘗无陽一則以陽主斯戰如啟之征扈而書大戰於甘見陽與陰爭也曰戰則陰小之盛而犯分可知上處位外故曰於野

坤爲國邑野亦國外之象也

以陰爻故言血言玄黃著其兩傷也此則所謂堅冰至也

用六利永貞

䷁

坤之

占法凡占得陰爻者皆用六而不用八六動而八未

動也

其有四五爻多者則又用之卦之八為占用八而不用六然彖卦動爻恆少也

筮得坤卦而六爻

皆變則宜占乾之卦彖周公以其自陰而變與本得乾卦者不

同故因表陰爻用六之例而繫之以辭以為卦本純陰純用其

陰柔則恐不能固守以正惟用六則柔而能剛循理而有必為

之志守貞而有不同之節能永貞矣占得此者亦惟利於永貞

則庶乎无柔靡矣也自坤而變自不足以大亨故與乾之元

亨利貞者不同故特占用六也

永貞亦即乾馬之貞坤柔以其純陰至順為能順而健行健即

純至之義也用六以其皆變而陽乃能永

貞惟順而健乃能固守也實皆戒辭也

震下  
坎上



屯元亨利貞勿用有攸往利建侯

震陽動於重陰之下其象爲雷其德爲動坎陽於二陰之間其

象爲水其德爲險

象者形下之器德者形上之道

坎在上則爲雲爲雨此卦以

陽動於初而上遇險陷故有欲上而未能達屯唯未通之象汎

震體在下陽動於初則多以初爻成卦之主

无妄隨震屯復皆以初成卦主惟噬

噬益頤

故文王屯卦之象主初而言動而遇險雖屯在一時而

居險能動則有必達於上之勢故不惟可亨而且大亨

凡說大而不有

始竟有始則必亨若重震則初四二爻皆震主故反只言亨而不言元亨也

然屯之所以能大亨者

以九居初剛而得正故坎險自不得而道之若占者在己有未

正則動非所動亦无以亨矣故必利於正也利於正則未可遽

有所往矣

此妄動則必失正矣況在險則未可遽動之時也

是非不往也能以剛正處

下民心歸之則利於建以為侯

震為長子自有侯象

蓋己有其德則自為

民所戴己无其德則宜推賢者而君之所以濟世屯難也

初九磐桓利居貞利建侯

三三

屯之

以九居初剛而得正震體能動志在進而有為於當

世然位方處下而前有險陷則未可以遽進故盤桓焉

盤桓固結

也處憂而不前抱柱而不離皆動而不進之意

然利於居正而已蓋妄進則失其正而

无以能進居貞則可進者在我不患其終於不進又初九以剛

正之貴也而處二陰之下以成卦主是能以貴下賤而得民心之象能有剛正有為之才德而得民心之歸則利建以為侯矣

此所以終能濟者也

以初九成卦主故爻辭與卦象略同

六二屯如遭如乘馬班如匪寇婚媾女子貞不字十年乃字

二二

屯之

六二柔順中正上應九五然五陷二陰之間坎水下

而不上其勢衰矣

既濟九五其象亦然

而初九成卦之主震剛動而上行

以迫於二非六二之陰柔所能禦也故處屯難而遭回不可行

其乘馬亦班如分散无可行之具也

初九以上之遇險為屯六二又以下乘初九之進為

屯此各爻因時位取象也乘馬班如以其處柔无可行之具言非以指初剛言又班如亦人心離散之意

初九剛而

志在濟時固匪寇也其迫於二亦求婚媾耳欲其來服之意然也重婚日算

六二五之應也在初可以求二在二義不可適初故女子貞不

字至於十年之久則數窮理極而名義之定終於字所當字也

字亦作歸於夫家意解

六三即鹿无虞惟入於林中君子幾不如舍往吝

三三屯之既濟六則陰柔无才居三則志剛而欲有為以六居三不

中不正非下卦之中不中以陰居陽其位非正以侵皆放此則安有作為居下无應則勢

卑而寡助居下在上卦之下也三位與上應上亦陰爻則无應是即鹿而无虞人為之引

導虞人掌山澤之官為指示山林禽獸之路者即就也冒昧以行惟入於林中已耳六三

坎險林中  
指坎險也

君子有見幾之明知其不可則不如舍之而勿逐若

必於欲往則取羞吝而已

此如後世項籍公孫述  
陳友諒之徒之類是也

六四乘馬班如求婚媾往吉无不利

三三

屯之  
隨

六四以柔才入於坎體事勢方艱而无可行之具乘

馬班如矣然處柔得正而初九以剛正應之若求初爲婚媾則

可相助有爲往吉而且无不利矣四非能往者以附於初故可

往也

往謂往而有爲也此卦以下行爲來以上進爲往勿誤以  
往字作往就初九說就初九意已在求婚媾一求字中矣

○此卦主於初九故以應初

爲善不取咎則大臣之象

九五屯其齋小貞吉大貞凶

三三

復

坎體中實非无膏澤而方在險中屯難之世六二正

應忠貞而无才則不足以相輔初九得民於下成卦之主動而

上行九五雖賢大勢已去故雖有膏而屯之未能道施以之小

事則得正猶可得吉

小事知自治之事

以作大事則雖正亦凶矣

大事如征

討之

此時位固然也

爻辭及彖傳之文甚明不必委曲作他說解○東周之衰及明懷宗皆類此矣

上六乘馬班如泣血漣如

三三

屯之

陰柔无才居上无應以屯之時處險之極去一可行

之具乘馬班如惟泣血漣如而已

泣血亦因坎取象

設以陽剛處之則

亦屯難將解之時也

三三三 坎下  
艮上

蒙亨匪我求童蒙童蒙求我初筮告再三瀆瀆則不告利貞

艮陽止於二陰之上極上而止又其象為山其德為止坎在山

下則為始出之泉此卦以坎在山下則為險阻蒙昧之地內險

而未通外止而未能進則為蒙昧之人然蒙者未闢之地而非

不可闢未通之人而非不可通也山下之水因勢而導之則流

矣蒙昧之人因所明而啟之則通矣故坎又為通有為卦體

九二剛中為內卦之主為主與成主畧不同成主者卦之名陽

明陰暗坎水中寶有學之象通流能教人之象是能因可通之道而隨時

發之以開人之蒙者

人本各有可通之道九二因其所可通而通之使通

故曰蒙亨言蒙

之可亨也上下四陰蓋皆賴九二之發而艮爲少男其體篤實

有重蒙之象六五又正應九二是有誠求之志者故曰匪我求

童蒙童蒙求我

我九二也

又必其本於最初一念專一誠求則迎其

幾而告之其或至於再三則是其問非出於誠不能思釋抑或

者愚不可通其問瀆矣瀆則不告以告之无益而吾言爲反輕

也比此待求而後教因誠以施誨皆教人者時中之道

此以上皆發蒙

然聰明人所固有故不患蒙之不可通而尤恐所以通之者

之失其正通之以邪則聰明日開於邪矣通之以正則聰明亦



日達於正矣故亨人之蒙者尤必當閑其邪僻之心思而日導之以義理之正使童蒙之耳目心思皆日習熟於正焉是則所

以養之也故又曰利貞

林次崖混發蒙養蒙作一片說其說亦非

初六發蒙利用刑人用說桎梏以往吝

三三

蒙之損

陰柔在下蒙之甚亦蒙之初也發其蒙以通之閑其

邪以養之皆正當於此時不有以使之知畏則无以發其蒙矣

是必利用刑人

虞書一作教刑學記夏楚二物收其威也

然又宜有以動盪其天機

浸游其神志而後蒙以漸亨故當有時而用說桎梏若一於嚴威以往而桎梏不舍則蒙之神志困苦而天機愈窒不足以發

蒙而在我反以取吝矣此亦因初而泛言發蒙之道也

九二包蒙吉納婦吉子克家

䷃

蒙之

九二以剛德能發人之蒙而上下四陰皆其所統然

蒙之質性不齊則教人者當因材施教九二剛而得中是能  
有教无類而大為包容以涵育之者己之德有以及人而人亦  
各得有以成就吉之道也又以陽爻陰有納婦之象以剛中者  
納婦則能刑家而吉矣又六五柔以應二九二剛能有以承五  
是以下而能任上之事為子之克其家者也只包蒙者太蒙其  
下二項則屬公所  
以廣占益策者非必為一事則公所以教人推廣者則无不可  
通也此爻圖諸言師友夫婦父子之道則人倫已无不該矣

六三勿用取女見金夫不有躬无攸利

三三

象之

六三上爻之應也而三比於二陰柔不中不正爲勿

用取之女何則不中不正則不能自守而惟情欲之流但見有

以金賂己之夫則不有其躬

本義必言以金賂己而挑之使取者非挑之亦无嫌不有躬也

女而得此无攸利矣

賈公彥曰納婦之占書又設此象若例則發象言則三之比二爲當得吉而陰柔不

中不正不能專以應上之象不出矣是以別取此象以盡情事之宜蓋以九二包象言則二可以包三以六三應上言則三不

宜比

二也

六四困蒙吝

三三

象之

能發人之蒙者九二也三與二比五與二應而四獨

遠之又无他應則蒙无以亨困於蒙耳是可羞吝也

六五童蒙吉

䷃

蒙之洪

以六居五其位尊矣而虛懷順聽以下應九二是其

純篤誠一之致爲童蒙焉

長體無貴又爲少男

求之者誠則誨之者亦自

无不竭其啟沃之誠焉其蒙可亨作聖有基吉之道也

上九擊蒙不利爲寇利禦寇

䷃

蒙之師

上九亦陽剛且在上而不取爲發蒙之主者九二剛

得中而上九剛過

以在上則是剛而過中

九二坎體能通而上九一於剛

正也治蒙亦宜剛而一於剛嚴則是日繫其蒙雖曰教必以正

然而多所傷害似於爲寇矣非所利也惟是嚴以閑其非僻之  
干以養其聰明於正如爲之禦寇焉則其嚴不爲過是亦利之  
此亦因上九之剛正而泛言發蒙之道卽利用刑人用說桎梏  
之意而凡待入之道亦皆可通也

三三  
乾下  
坎上

需有孚光亨貞吉利涉大川

需者從容有待之義卦本以乾遇坎險乾體之剛上行而乾德  
恒易以知險故從容有待而不遽進故卦名需文王則以此卦  
體九五中實陽剛中正以處尊位其盛德光輝自足以感通於

人而何險之不夷故不必遽有作為而惟是守吾之貞從容以

待則雖涉川之險亦无不利矣人能如卦體之有乎

謂坎五則中實

亦光事矣

凡水之光上接於天天之光反映於水下亦以光而通卦有此象

如九五之中正則

亦貞而得吉而且利涉大川矣九五之剛與乾同德乾之易而

知險即九五之易而知險故乾之能需即五之能需故文王之

假象如此

象傳言位乎天位亦此意也○屯以初剛成卦主而卦名屯故九五亦以處屯為附於二陰之間需以能

特為義則九五之剛中有乎正

能行者而需則不取附義也天下當事則有險无夷見以為

險而不敢承則非乾而无能濟之事不知其險而冒昧以往則

必陷於險而敗事喪功矣君子无衆寡无小大而皆將之以戒

重刊江上遺書 易經如言 一  
懼詳審之心然其所以處之者則從容展布盡吾之所當行而  
實心以行之不參以見小欲速計功謀利之私焉而至誠所感  
正直之行究之無險不爽無不可濟是則所謂能需也是則需  
之道文王之意也

初九需於郊利用恒无咎

三三

需之卦

卦以險在前故需以不陷於險爲能需以九居初去

險爲遠剛正有守是在郊而已需者然剛性上行或需不能久  
占者利於用恒則无犯難之咎矣

九二需於沙小有言終吉

二二三

需之既濟

九進居二稍近險矣是及沙而需也

沙水際也

故小有言

語之傷

高隱者識其相續續臂者護其播定之類

然剛中自守能寬裕以處之終於

吉矣

九三需於泥致寇至

二二三

需之節

九三過剛不中迫於險而後需

實是不能需位迫險則无可如何而需

是需於泥也

泥則水所浸之地而不可行矣

禍患之至實以我之不能需致之

耳

六四需於血出自穴

二二三

需之夬

六四陰柔无才而冒入於險見傷害矣需於血也

此



象水然柔而得正正以其柔故有傷則需而不敢復進可待時

而出自穴也穴在坎旁至虛坎中則水又有定象

九五需於酒食貞吉

三三雷之九五陽剛中正以居尊位所謂有孚光亨者也實德

久孚於人心惟是恒德不渝而天下自化需於酒食正固而吉

矣酒食亦取坎象為水酒也中滿食也需於酒食言无為也不取陷義以九五為

能需之主也乾體三陽剛不主故以九五居尊有乾德者為井之主

上六入於穴有不速之客三人來敬之終吉

三三雷之以陰柔處險極入於穴矣六四初入坎體可出自穴上六深入坎體已入於穴

陰柔无能出之才然不應九三三陽乾體需之已極而連類上行在上六亦若出自意外者故爲有不速之客三人來柔不能禦而下之正以其柔故能不妄動而敬順於陽得以終吉亦能靜以需之意也

陰居陰極木內象然此卦以需爲義故柔順亦不失爲能需且九三二本其應也

三三

坎下  
乾上

訟有孚窒惕中吉終凶利見大人不利涉大川

上剛下險多訟之原內險外健好訟之人此險彼健致訟之事

文王取九二坎體中實无應

一陰一陽則相應二五皆陽爲无應

爲有孚而見窒

不獲自伸之象坎爲加憂有惕中之意卦變自遯三三剛來居

二上行曰往下行曰來此過之九三來爲訟之九二也卦變難止互換一爻而實各有定序須觀朱子訟象圖始得其詳

不得志於外而遞反於內以成坎體中實加憂之象

變自其卦來亦各有

意義人苟以有孚見窒之故而訟則人情亦非得已而訟非虛

辭且惕然於中則能懼而无必勝於人之志如是而訟宜可以得吉矣若恃其剛健之才以求勝人而終訟如乾上之過剛上八則凶道也此皆聖人假象以告人以爲如是仍可訟如是則不可訟實皆不欲人訟之意也又以訟非中正之大人不能聽之而得其卑而九五剛健中正大人之象也故利見大人又兩象以健履險則必陷矣故不利涉大川涉大川卽剛險倖勝終

訟之意也

以乾遇險則訟

初六不永所事小有言終吉

二三

訟之

訟卦以爻位相應爲相訟初與四訟而四剛初柔四

尊初卑勢不相敵柔而在下非能有終訟之才又處事之初故  
不永所爭訟之事惟不得已而小有爭辯之言耳初雖不免於  
訟而不求所事則終吉矣

九三不克訟歸而逋其邑人三百戶无眚

三三

訟之

二與五訟彼此皆剛而二又險之往好訟者也賴五

尊二卑勢位不敵必不能勝矣以其處柔則猶不過於剛故既

不克訟乃歸而逋竄自守其邑人三百戶以不敢復爭

邑者以

邑而二居坤體之中也二百戶蓋以下卦三

始雖果於訟而趨

則可以无咎矣

六三食舊德貞厲終吉或從王事无成

三三

訟之

三與上訟上剛三柔處三則亦欲訟而柔則不能訟

故勉於食其舊德

亦如邑人三百戶之類祖宗有功德者乃此

則不能訟以剛而處柔則不能

終訟惟上九為剛之極剛終訟

食舊德自守之貞也此以食舊

德為

正耳然且以危厲自惕則雖厲而終吉此不但无爭之道也則

或出而從王之事亦惟是從上所使而必无成功蓋以六居三

則或志在有爲故又言如此

九四不克訟復卽命渝安貞吉

三三

訟之

四與初訟非不能勝也然以剛處柔則能自疑而不

求必勝以復安於命

命正理也

始雖欲訟變而自安於正如是則得

吉矣

四亦非貞不訟其貞

九五訟元吉

三三

訟之未濟

九五陽剛中正居尊爲聽訟之主有孚窒而惕中者

利見此大人則窒必獲伸矣大善而吉也

大善而吉亦只就訟者言見其爲屈而獲

伸之吉非倖

勝之吉也

上九或錫之鞶帶終朝三褫之

三三

訟之

處卦之終用剛之極終訟之人也以克訟爲榮如或

錫之鞶帶焉然勝豈可常此偶然耳健訟不已必將以訟而致  
辱不終朝而有三褫之者矣此終之凶也

三三

其下  
坤上

師貞丈人吉无咎

水藏於地中兵寓於農中古者出師之大法坤爲衆爲國邑卦  
體九二一陽統治衆陰師之主也將也

以在下  
故爲將

六五柔中應二

又用將之主君也文王以師者民命所關非可輕用以正人之

不正則不得已而用之故出師必以貞然使雖名正言順而任將非其人猶凶咎之道也九二剛而得中剛則有任事之能剛而得中則無過舉之失老成鍊達所謂丈人也如師出以正又得丈人而用之則有戰勝之吉而無不正失人之咎矣

初六師出以律否臧凶

三三

師之

周公因初爻而泛言用師之道言師之出必以紀律

如前後左右之局步伐止齊之節皆當嚴以定法如律管之圓徑長短不可以絲毫素焉所以爲不可勝以待敵之可勝也如或失其紀律則衆不可用否臧而有覆敗之凶矣此亦初辭擬



之也

九二在師中吉无咎王三錫命

三三

師之坤

九二剛中才德具備所謂丈人能以衆正者也以在

師中有制勝之吉矣且又得六五之應王之寵任加之再三錫命焉九二所以能展其才也

六三師或輿尸凶

三三

師之升

六三陰柔才弱不足任事居三志剛妄有作爲非能

有功且或輿尸而還矣凶

坎爲輿坤爲輿六三當輿之下而上載羣陰故取輿尸之象

六四師左次无咎

三三

師之解

六四陰柔才弱不足有為然柔而得正不敢妄進故

知難則左次以全師

師以右為進以左為卻次舍止也

雖不能有功亦无喪敗

之咎

六五田有禽利執言无咎長子帥師弟子與尸貞凶

三三

師之坎

六五柔中之君非好用師者也而或至命將出師則

必以敵加於己不得已而應之如田有害稼之禽故利以執之

云耳

言字只作語辭看。此已見無重用兵意

然出師以正尤責任將得人苟既命

老成之長子以帥師

以九二才德言則曰丈人

而又命不更事

之弟子以分其任則信任不專必至於與尸師出雖正而亦凶

矣所宜深戒也

上六大君有命開國承家小人勿用

䷆

師之象

以用師之終故言成功封賞之事

不於上六爻位取義

功既成

矣則宜有以報之故大君有命

謂策命

功大者錫土而使之開國

功小者亦予采邑而使之世承其眾然有功皆所當報而成平

之後任政尤不可不擇人若小人則雖有功而不可用之使任

政也

此節言本朱子語錄與本義程傳皆精異蓋使有才之小人於師亦未必无功既有功則不得不一例封賞難言但

優以金帛也或於中別有處置可耳

坤下

次上

比吉原筮元永貞无咎不寧方來後夫凶

水比於地不容有間

地中藏伏之水則見爲師卦體惟九五一地上道流之水則見其比

卦體惟九五一

陽陽剛中正以居尊位上下五陰皆附而從之人君得民心之附吉孰大焉然人心之比附未易當也身居民上凡有得失天下皆耳而目之苟非有長民之德无不息之誠則衆咎叢之无以當民之比矣是必筮者重複自審在己有元善長永貞固之德亦如九五之陽剛中正焉

元永貞亦只是陽剛中正正陽剛中正乾之德也元即乾元善之長也

君子體仁則足以長人矣永貞即乾元之統天而亨利貞統是矣

然後有以當比之吉而无咎

夫如是則不寧之方且莫不聞風而來附其有亢戾而後至之

夫則彼自取其凶耳

夫何亦爲欲此人者言之使知早自擇也

初六有孚比之无咎有孚盈缶終來有他吉

三三

北之屯

卦之羣陰皆比於五者也而爻位之或比或應異焉

以有吉有凶初陰遠於五然因比之初而泛言比人之道以爲人之相與以誠而已而中之誠否卽於最初一念見之果其有誠意以交孚則比人有誰不我與比之无咎矣夫比人本當以誠非爲有求於人也若以有求於人而用誠則其念已不誠矣惟是心本无求而一於推誠相與有孚之積至於盈缶則積誠所感雖非求吉而人无不助之終來有他吉矣此亦因初六无

應則未有私繫故言之

六二比之自內貞吉

三三

比之坎

六二柔順中正以上應九五自內卦而比於外卦本

己之中誠以上比於君是得比之正而吉者也

六三比之匪人

三三

比之蹇

陰柔不中不正是以柔媚比人者也近不五比遠非

五應而秉承皆陰所比之者皆匪其人矣

凡以小人之道比人則與比者皆亦小人

而已

六四外比之貞吉

二六三

比之

六四以柔正者上比於九五順以從君而非邪媚亦

比之得其正而吉者也

凡卦下爲內上爲外。此卦四與五比。下應上。初而比五爲說。

九五顯比王用三驅失前禽邑人不誠吉

二二三

比之

陽剛中正大公无私萬物一體明顯其元永貞之德

以比天下不違道以干譽亦不拂民以從欲故其來附者則順

而受之

如不寧方來者

其不來者則聽之

如所謂後夫

如王用三驅失前禽

焉

川獵之獸虞人張網三面而闕其一。四面用輕車疾驅以驚起其禽獸皆自右而左行其射者亦左從以射之故所射之禽

皆自右達左而禽而來者不射。持過者亦不射。是以面傷者不。獻是毛者不獻。不成禽不獻。其逆而出圍者則聽之故曰王用

三驅失前禽也。謂者多誤。

而其邑人

以坤爲國邑比。謂其私屬之臣。

亦曉然於上之意不相

警誠以求必得蓋无私之至人自无不共體其仁誠也吉莫大焉

上六比之无首凶

三三比之以陰柔而居上无德足以比下是比之而无首也无首

即謂其无長人之德凶

三三乾下巽上

小畜亨密雲不雨自我西郊

巽一陰伏於一陽之下其象爲風爲木其德爲巽爲入巽有入

意陰性柔順以入於陽而陽亦入之風无亢不入木之性順而入上又貴以柔而深入委曲也下乾上巽巽爲



陰卦

一陰為主也

而風能止物乾性上行為巽所止

巽為風所止

又

乾之二陽為六四一陰所止是以陰小而止陽之大也然以陰

止陽又四以一陰而止三陽則能止而下能入小止之而已故

曰小畜

畜教六反止也讀作旭字之音者誤

陽為陰所畜則道不得行而不亨矣

然文王謂陰雖得位而能畜乾然卦之德內健而能有守外巽

而不至為陰小所忌卦體又陽居中位

謂二

猶得沒行其志則

陽猶有可亨之道蓋小人雖得位近君而眾陽猶未之與陰勢

尙孤且巽於陽而未能肆其意如密雲不雨自我西郊焉密雲

不雨言陰陽未合也自我西郊言孤陰未能有為也就陽言之

則猶可亨就陰言之則勢未火皆一時小爲所畜而已然皆危

辭也及此時而不早圖則將不得亨矣

此見易爲君子謀

初九復自道何其咎吉

三三

小畜之象

此卦分兩截各看內卦以三陽爲主陽欲上行而六

四之陰畜之則不得行其志矣故皆以不爲所畜爲善爲不入

於小人之黨不以其媚悅而親之不因其勢位而下之也外卦

則以六四爲主以下之王陽爲疆禦難畜之民而四與五上則

能合力以畜之也隨爻位以假象各言其所處之當然而已初

九剛正乾體而上與六四正應似入於小人之黨而有咎者然

地與四遠而能以正自守其進而上行也吾自由吾之道四之

一陰亦未能我畜焉

此即所謂何往者也

如此則何其咎焉所以吉也

其

咎固似有咎而  
言言責何咎也

### 九二牽復吉

三三

小畜之  
家人

九二漸近於陰矣然有剛中之德又得象君子之

助則與初陽牽連而復進陰何得而畜之

此即所謂  
志行者也

吉之道也

### 九三輿說輻夫妻反目

三三

小畜之  
中孚

三與四比日近小人之側不能不與之親而四復

能以柔巽入之入於其黨為其所畜而我道所不行矣是輿說

輻也

輻車輪輻也股其輻則不復行矣

然本剛正君子也初惑於小人之媚說

而信之繼因其所行之專擅作恚則又不能平而忿與之爭夫

妻反目焉

婦人於夫初必媚之及夫既說其婉媚則漸次專行夫不能制而婦反有以脅其夫矣此爻如惡業公之

於丁然既為所畜則亦終无可復行吾志也

觀說輻不行之義則可知初二兩爻

復字為進行之義而非復還之義矣

六四有孚血去惕出无咎

三三

小畜之乾

陰柔力弱一陰勢孤而以畜下之三陽宜有所傷而

多憂惕矣然大四柔順得正巽體善入而位近君是能以柔巽

交孚於君而君亦納其順而孚之得陽之助以畜在下之羣得

必能有成其傷害可去而憂惕可出可无不勝任之咎矣

重亦

象此只以六四言則居陰得正而巽非惡德自不得槩以小人  
目之而禁止彊暴亦大臣之宜也惟就通卦言則以陰爲小人  
并五上亦成陰卦矣

九五有孚攣如富以其隣

三三二

小畜之  
大吉

四以柔巽交孚於陽而二陽亦以其柔正而孚之

彼此交孚以成巽體同力畜乾其有孚攣如矣

巽交  
同體

而九五以

剛居尊尤有富厚之力以以其鄰

鄰謂四  
與上

此其所以能畜乾之

剛也

上九既雨既處尙德載婦貞厲月幾望君子征凶

三三小畜之畜小畜之終畜道已成故復以君子之見畜於小人言

之與體至上爻而始成是陰之畜陽至此而始凝固也蓋五上二陽合六四爲巽體以成

陰卦巽陰卦也而同力畜乾乾亦一時竟爲所畜是始之密雲不雨

者今則既雨矣始之尙往者今則无可往而既處矣良以陰能

巽入於陽而陽爲所入則尊尙陰德以積而載之故至此然陰

之處此豈可安乎以陰畜陽雖貞亦厲如月之幾望坎爲月此爻變則爲

坎而月滿矣虧卽乘之矣謂小人雖勉行以正而攬權亦非吉道也

女主陰朝陽寺執政縱使能賢亦豈吉道卦之六四非不正故以貞言之若君子於此而猶欲有行

則必凶矣

三三

兌下  
乾上

履虎尾不咥人亨

兌一陰見於二陽之上坎水而塞其下流其象爲澤其德爲說

和順外  
見也

兌體在下則澤爲瀦水

如雷澤咸澤之類  
此卦反臨節是也

在上則澤爲

膏澤雨澤

夫萃咸大  
過是也

此卦兌下乾上以兩象言則上天下澤高

卑定分爲人所當履以兩體言則兌履乾後而進行之義文王  
蓋取卦體爲斷虎謂乾也乾取於虎者以對兌之柔而言其剛  
也人之所行以剛應剛則必有所傷折惟人雖剛強而我以和

說應之則人之剛不我害矣是履虎尾

尾猶後也

以進而不至於咥

人也

與人角謂食其堅

人能如是則可享矣

初九素履往无咎

二三

履之

剛正乾體而和居履之初上无所應未有私繫率其

天與以行爲素履以往无咎之道也

九二履道坦坦幽人貞吉

三三

履之无妄

剛中自說外无繫應獨行其道而坦坦然寬廣自如

是草澤中之幽人雖未見用於時得正而吉者也

六三眇能視跛能履履虎尾咥人凶武人爲於大君



三三履之統一卦而觀則以兌說爲成卦之主故能履剛而不

害然亦以剛中而柔外也若就六三爻位觀之則陰柔不中不

正才弱而志剛之象矣離中虛爲目而三陰在上則眇兌爲毀

折而在下卦則跛以六居三而履乾後或以履下二本眇而自

以爲能視本跛而自以爲能履以此履虎尾必至啞人之凶矣

此武人无所知識无足有爲而自恃其武爲於大君者也豈惟

自害且肆其害於人矣

九四履虎尾愬愬終吉

三三履之五之以剛居尊虎也九四剛不中正而履其後亦危

中孚

道矣然處柔則能自危惴惴然有戒愼之心是可終得吉矣

此所

謂危者

使平也

### 九五夬履貞厲

三三

履之

陽剛中正以居尊位是履帝位而不疚者然以九五

之剛則行无不決以下卦之說則言莫之違无所匡救而夬夬

於行雖正亦危矣君子宜知惕也

此所謂易者使傾也

### 上九視履考祥其旋元吉

三三

履之

此爻於履之終而言所履之成謂吉凶何常惟人自

致人當自視其所履之終以考其祥

祥兼吉凶言

如其自始至終皆

周旋而无闕則大善而吉矣或其少有所闕則吉且未易言也

此對素履而成之終凡人之踐履有始雖善而改節於終者故必於履之終而後其祥可考以一事言則觀其事之成以終身

言則蓋指事乃定也其旋者至善之謂也語雖未定其吉凶而垂戒深矣

三三  
乾下  
坤上

泰小往大來吉亨

天上地下此定位也天氣降於下地氣躋於上此天地之大用

所以行鬼神而生萬物也使天地之氣不交則无物矣此卦有

三義乾下坤上是天地之氣之交也君禮其下下忠於君是上

下同心之交也以卦體卦變言則陽來居內陰往居外卦自歸

妹三三來六往居四九來居三

歸妹之九四下為泰之九三歸妹之六三上為泰之六四是

皆陰往而陽來又氣運之泰也

以卦變言象辭往來二字乃更明白

文王取卦體

卦變言故曰小往大來以時言則春夏之生長以國言則君子

方用事吉而且亨也

吉辭言好事亨則治道之四達也

初九拔茅茹以其彙征吉

三三

泰之升

此卦周公以內三爻為泰運之漸開外三爻為泰過

而將否初九泰運之始三陽連類而進如拔茅而連其茹

茹茅根也

則其彙與之偕上

彙亦類也叢生之類也茅之根下不必同茹本而交相糾結拔一茅則必有數茅連起

在下初象也天下有道而見其征吉矣

九二包荒用馮河不遐遺朋亡得尚於中行

三三

泰之  
明夷

保泰之治宜剛以有爲而剛不可過九二剛中乾體

上得六五柔中之吉虛懷以任之是九二當保泰之大臣之任  
者也方泰運之開天下不无荒穢之未盡陰而苟以察爲明除  
之太急是必滋之擾也宜寬以容之簡以安之而包容荒穢以  
俟其自化焉然非曰无動爲大也凡大經所當正而未盡正大  
法所當舉而未盡舉者則宜用馮河之勇致其果斷與其剛決  
以正之舉之則包荒非廢弛矣泰運之開德化或未能遠播而  
或謨之未訏圖之未遠是安於近小也宜堂陞而預四海之謀

目前而存萬世之慮而不遐遺以敷其德教焉然非內多欲而外施仁義也凡在內而宦官宮妾之寵在外而阿比偏黨之私則皆斥遠而勿復私之昵之亡其朋焉則不遐遺者皆實政矣誠能如是則剛而不過得向於中行矣夫然後可以爲保泰之大臣也與

九三无平不陂无往不復艱貞无咎勿恤其孚於食有福

三三三

泰之

泰將過中矣氣化之盛衰治亂之循環无有平而不

陂无有往而不復者然氣運存乎天而挽救則存乎人忽之則亂必生艱之則治可保九三剛正君子而處危地能惕厲艱難

以守其貞乃可无致亂之咎然非徒憂其必敗必復運數有信

然也盡吾日用之常行所當行泰可保而有福矣報貞如禹謨所謂后克艱

厥后臣克艱厥臣也此中有儆戒无虞之意有言其未亂保邦於未危多少事業

六四翩翩不富以其鄰不戒以孚

三三秦之陰本居內者也泰已過中則三陰翩翩來復不待富

強之力而能以其鄰陽實言富陰虛言不富以四以之也鄰五上二爻也不待告戒而自

相孚信矣爻皆為陽危之之辭翩翩二字便有輕意不必泥爻位而別求能率君子事君之策

六五帝乙歸妹以祉元吉

三三秦之六五以柔中居尊而下應九二之剛中不可例以羣

陰取象故以為能任賢保泰之君而為泰之主

為主與成卦主不同故為主多

以五爻尊位言

如帝乙之歸妹是忘其貴而柔順以下交者也虛己在

賢以成泰交

所謂上下交而其志同亦謂此也

一人之福社天下之福社也大

善而吉

不然則方凶交而已

上六城復於隍勿用師自邑告命貞吝

三三

泰之大者

泰極而否上恬下熙則亂生而不知戒嚮之成城者

今隳壞而復於隍矣當此之時人心久懈則欲撥亂者非可以

力爭勿用師也

坤為衆故多言師

惟當勉於自治鑒其恬熙之失而自

邑時為告命以自治之焉

國邑亦取坤象

庶幾不失其貞然至已壞而



後固則雖貞亦吝矣非謂亂不可同但畢其凶之已觀象傳可見

三三三坤下  
乾上

否之匪人不利君子貞大往小來

天地之氣不交君驕臣媚而志不孚則否塞而非人道不利於

君子之貞矣君子之貞乃人道也卦體卦變陰來居內陽往居外卦自漸

三三三來九往居四六來居三漸之九三上為九四漸之六四下為六三而皆失位以

漸而成否泰自否來邪以歸得位而成泰可知是皆大往而小來以時言則秋冬

之閉塞以國言則小人方用事也之匪人三字作衍文看更顯

初六拔茅茹以其彙貞吉亨

三三

否之无妄

否卦以內三爻爲小人用事外三爻爲君子挽否爲

泰而皆寓扶陽抑陰之意焉初六當陰長之時及二三連類以進亦拔茅茹以其彙之象但進而用事士人之志而初陰始進其惡未形其偕進非可以勢禦也但勉之以貞而已果進而以貞則吉而可亨矣蓋不勝冀幸焉

六二包承小人吉大人否亨

三三

否之

君子小人非其臭味不相容者也六二陰柔而頗中

正是小人中之能包容以承順於君子者

泰二包荒君子能容小人也否二包承小

人之容君子也

夫小人而包承君子在小人爲吉道矣

如金英不害薛文清張永不害

王陽明 然在大人則宜安守其否庶幾身困道亨不可以小人包承於我而遂自喪其守也

### 六三包羞

二三 否之 陰柔不中正志存攸害上入小人之尤也陰謀機變

亦可羞矣但終以才弱居下 下則欲傷善而未能 下三陰則陰

相敵陰未 爲大盛也 包涵其所可羞者而已

### 九四有命无咎疇離祉

三三 否之 否已過中天有將泰之運矣 此文命字宜 迎天之體

而撥亂反正非剛者不能然過剛則作爲太驟或反以害之尤

四以陽居陰剛而不過是能從容審處而无太急无漸之咎豈

惟一人之福疇類三陽實皆離其祉福也

離屬也

九五休否大人吉其亡其亡繫於苞桑

三三

否之晉

否極將泰而九五陽剛中正有其德居尊御下有其

權是能休時之否者然非有大人之德則何以休否是必德

九五之大人而後獲休否之吉也顧德位非可恃也恃其能休

則召否矣又必時存戒懼自念爲其亡其亡安不忘危存不忘

亡治不忘亂則身安而國家可保天命之在我不有繫於苞桑之

固矣

苞桑叢生之桑其根最深固者也

不惟休否且以保泰

上九傾否先否後喜

三三三

否之萃

陽剛有傾否之德否終當轉泰之時能豎傾其否者

也

休止其否也傾則盡除其否也

方未傾之先固嘗否也及既傾之後則可喜

矣

三三三

離下乾上

同人於野亨利涉大川利君子貞

離一陰麗於二陽之間其象為火

火中虛而剛明外著

其德為麗

陰麗於陽陽亦

麗火在上則為日火合雷則為電其德於人為文明此卦乾上

離下天在上火炎上是火上同於天卦體惟六二二陰得位得

中而五陽同與之人所同與故曰同人文王以卦德內文明則  
見理明外剛健則行道勇又以二之柔順中正應乾之剛健中  
正則是接人行事又皆能合乎天道之中正是皆大同而无私  
也人能大同於人而无私如同人於野焉則所行无不通矣其  
无私中虛之明其大同應天之健以健而行雖大川之險亦利  
涉矣人明而不健則所行亦不能盡亨故須加乾之健然所以通而能涉險者正以其  
文明剛健之德發皆中節而合於天所以能通乎天下之志此  
君子之正道非君子則不能然也故又曰必利於君子之貞不  
然則私此而已安能大同哉

初九同人於門无咎

三三

同人  
之運

剛正居初未有應與无所私繫是同人於門

前二厥  
爻在門

象於門而非於家言  
无私也但未大耳

无咎之道也

六二同人於宗吝

三三

同人  
之乾

就一卦觀則六二同人之主五陽皆其所應也就六

二爻位觀之則六二有所繫應即非大同之道矣同人於宗吝

同其所同而未能大同也故不免於學

非謂二不當應五也實  
二自不合事止應五也

九三伏戎於莽升其高陵三歲不興

三三

同人  
之无妄

就二成卦主言不當僅與五同就三四言則六二

爲九五所同而三四不當強求以與之同顧卦惟一陰則凡陽  
爻皆欲與之同而陰陽相說之情近比者爲甚三無應而近與  
二比是以欲強同於二而又懼五之爭故伏戎於莽隱以敵五  
謹爲甲冑戈兵故取伏戎之象升其高陵俯以窺二三處下卦之上故爲高陵然求非所求  
敵非所敵終不可得雖至三歲之久不能興起也猶言故不來也

九四乘其墉弗克以吉

三三

同人之家人

九四亦无應而欲同於二者然有九三隔之必踰

三而後得與二比是以將乘墉以攻之

墉墉高而內外之限也此以象三也然居

四則剛而不過爲能疑而自反知非所求故弗克攻而得吉也



功三三攻二也

六五同人先號咷而後笑大師克相遇

三三之離同人二五正應六二同九五所同之人也而三四隔之凡

爻則隔若陰爻則不隔則不得同矣故先不免於號咷然義所當同物

不能間終遂所同所以後笑樂之願三四剛爻亦強敵六二不

能越二陽而我合也必我以大師克之而後得以相遇也言好

義者亦當用力以求也此九五不與君象求同於人而不徒得非人君之事也

上九同人於郊无悔

三三之革同人上九以孤陽居遠地道不與柔應近不與柔比求同

於人而无與同同人於郊也郊國外上出位之外也然同人而非所同則

有悔則三四是也且同失所同則知比三之比匪也同人而无與同則亦可以无悔无

得亦无所失也此言无悔者亦不足之辭不得疑為亦无私之義

三三三乾下離上

大有元亨

火在天上无所不照六五柔得尊位上下五陽皆其所有是所

有之大也文王以其乾健離明是內有實德積於中而盛德輝

光著顯於外此與同人之看明健二字略有不同居尊應乾是中无私蔽而所行

合乎時中當大有之時而又有如是之德則所行无不大亨矣

德位之隆无踰此者元亨之外无贅辭焉

卦德卦體已具有貞字

初九无交害匪咎艱則无咎

三三

大有之體

大有之時所有既大則機務亦煩機務煩而利害雜

矣人知有大有之樂而不知保此大有之艱則每至縱佚怠荒  
驕奢汰侈而凶咎反叢之矣初九剛正乾體率其天性上无應  
與未有私繫又方居大有之初則未生其縱佚驕侈之失是无  
交害而匪咎者也

不曰何咎而曰匪咎者見大有所在即咎之所在必如初九之无交害則匪咎也

然

靡不有初鮮克有終恐涉歷之久而淫佚生怠荒萌焉則交害

矣是必克艱以處之兢兢業業履薄臨深制節謹度不敢有一

念之縱逸庶終始如一能保有大有之休而无大有之咎也

九二大車以載有攸往无咎

三三

大有之離

九二剛中乾體具有爲之才而能勝大任者是太車

也得六五虛中之應是推誠委任以共治大有之世而用之以

載也

太車亦因大有而言

君固明於用人而臣亦實足以勝其在太車以

載可以大行其道於天下有攸往而必无敗績覆壓之咎矣

九三公用亨於天子小人弗克

三三

大有之震

九三居下卦之上爲公侯之象而當大有之世下卦

三陽皆其所有也六五柔中接下卦之五陽皆應而與之而九

三剛正則不私有其有以享獻於天子

此卦五陽皆六五所有則皆應於五非若鼎革

二不與五應之例也

臣道固然故不言吉然使小人處此則自大而驕據

爲私有而弗克當此爻之占矣

亨亦謂每歲貢獻之常

九四匪其彭无咎

三三

大有之大者

四爲君側大臣六五柔中之君而九四以剛近之

有僭逼之嫌矣然以九居四不敢過用其剛則不自有其盛匪

其彭而可无僭逼之咎也

彭之訓盛詩云出車彭彭是蓋車爲之象盛也

三享天子有

自然之意四匪其彭則勉然之辭

六五厥孚交如威如吉

三三

大有之乾

柔中居尊虛已以應九二之賢卦之五陽无不與之

厥孚交如於天下矣

中貴爲孚中虛亦爲孚中貴以貴心與人中也虛无私心而大公以相信也但

以君道貴剛而一於柔順恐人雖愛之而未知敬之也六五固非過柔然要若不足於剛者是宜更嚴於自飭以使人儼然望而畏之則威如而天下皆不敢生其慢易之意矣必如是而後爲有其大有之全吉也

上九自天祐之吉无不利

三三

大有之大壯

以剛居上其才裕矣其位崇矣然五陽皆應六五

則上九亦與六五者也處五之上而下從六五誠以感於六五

之孚而上亦踐履以信感於六五之順而上亦思盡其順竭其信順以尊尚六五之賢故雖居五之上而能下以從之自居位外以上從下尤人之所難也誠如是則自天祐之吉且无不利

矣

卦以六五爲能大有之主餘五爻皆以不有其有爲義

䷁

艮下坤上

謙亨君子有終

艮山坤地以山之高而自處於地之下其心止於下而不過其行一於順而不乖九三以一陽止於二陰之上爲內卦之上而蘊於坤之地中不顯其功於外皆有而自忘其爲有歉然不足

所謂謙也

今人心本自以為有而外姑不敢自有人能謙則自以示謙抑則是偽耳此都將謙字看盡

人能謙則自

无不亨方其歉然自下似於屈而行无不亨則有終矣

初六謙謙君子用涉大川吉

三三

謙之初六

以柔順止於下引分自安謙而又謙

處下已謙柔順又謙

君子之行也率此以往雖大難亦无不濟用涉大川而且吉矣

用涉大川用此謙謙之行必處險難也此非其有才能濟正恐人說他无用故云然耳謙所云謙和天下去得是也

六二鳴謙貞吉

三三

謙之六二

柔順中正實有歉然自下之意存於中而見於外者

自无往非謙和之度人皆以能謙而好之謙極有聞得正而且



吉矣

謙本於中謙之正也謙以末聞則非謙之貞矣

九三勞謙君子有終吉

䷎

謙之坤

九三以剛正止於下卦之上而居坤體之下成卦之

主上下五陰无不與之有勞而不自以為勞抑然自下君子之自處如此然勞之所著衆莫不知勞不自勞其勞愈光有終而且吉矣此爻成卦之主故爻辭略與卦彖同而特表其勞也

六四无不利撝謙

䷎

謙之小過

六四柔順得正居上卦之下本能謙而无不利矣然

九三以勞成卦主而六四位居其上則有非所安者是更當發

揭其謙而後可也

三勞謙出於安  
四揭謙所當勉

六五不富以其鄰利用侵伐无不利

䷋

謙之  
卷

柔尊而得坤體之中其能謙可知尊而能謙人心說

服不恃富力而能以其鄰矣

不富陰虛也能以其鄰  
尊位之事與初二不同

其猶有未

服者則雖用侵伐之亦人心所樂從而况於凡事固无不利也

坤爲衆衆爲剛

邑故以侵伐言

以柔而謙慮於過柔不振故有未服亦當征之

亦大有六五威如之意也


上六鳴謙利用行師征邑國

䷋

謙之  
艮

以六居上順之至謙之極人所共聞亦人心所樂與

也然才柔而高處位外則權力不能大有所爲惟邑國之中或有不服者則利用行師以征之亦人自无不樂從耳



坤下  
震上

豫利建侯行師

雷出地上震陽動於地之上陽氣舒暢有說豫和樂之意因順外動在己爲順理順時而動於事爲順人心而動皆有以致人

心之說樂九四一陽成震之主於外

九居四非位然卦一陽取其得用事於外又不泥不

貴位之例

上下五陰順而應之坤爲國邑震臨其上則有建侯之象

卦惟一陽而統五陰震動有威則有行師之象故文王以爲以

順而動則人心說豫而利於建侯行師也

屯豫皆以震爲利建侯然屯之建侯以時

方草昧而當立君以統治之開創之君也震之利建侯本有國土宜順人心所樂而立爲君繼世之君也

### 初六鳴豫凶

三三

豫之震

卦以得人心之說豫爲言爻以人心之耽於豫樂爲

言豫樂之境易以溺人故爻多凶辭蓋卦以震之一陽成卦主雷出於地而爲豫是五陰之得以豫樂者皆由九四致之一人靖大難而天下享其平祖父成有家而子弟蒙其福而處於豫之境者遂以九四之豫以爲其豫陰暗无爲宴安耽毒矣初六柔暗處下而上有九四之應九四得時主事初六遂不勝其豫

樂而自鳴得意矣凶之道也

今之肯父兄姻婭爲顯官而肆爲驕奢者如此

六二介於石不終日貞吉

三三

謙之解

卦之爻位多不得正惟六二柔正而得坤體之中又

初以應四而鳴三以盱四而悔六二遠不與四應近不與四比是雖處羣陰之間而中正安靜以自守能分辨事幾而介於石焉无慕於外无動於中不諂不瀆者也惟其介於石是以見幾明而不肯有終日之宴安他人皆豫而已獨不然不至死於安樂矣得正而吉也

六三盱豫悔遲有悔

三三三豫之小過

三柔不中正而上與四比盱視於四而自以為豫亦

侈然得意矣

大官之門客與其所親近之吏胥奴隸彼亦儼然大官不勝驕肆也然以其處陽則

或者不為无志而愧恥知悔但宴安溺人苟不能自振而悔遲

則必終有悔而辱身已不可贖矣

悔遲之悔知自悔也  
有悔之悔不及悔矣

九四由豫大有得勿疑朋盍簪

三三三

豫之神

九四以陽出地上敷布有為而成卦主以一人出而

建立功業使天下人皆享其太平之樂是眾之所由以豫者也

能以一人致天下人之豫則天下之心无不應而與之大有

得矣

所謂利建  
便者也

但居四終非得正位而權力又以逼君為嫌則

行事之際未免於有所遲疑有所遲疑則有爲之力阻而天下  
仰望之心失矣惟是爲所當爲則當勿疑而以至誠惻怛處之  
精白一心天下自可共信朋類合聚而助之斯大功可以有成  
也他卦九四以逼主爲嫌惟此卦不然以一身繫天下之憂樂  
則行事有不容委此如文王之伐密崇屬公之討殷監也他  
若否文之一匡九合郭子儀之位極人臣亦幾似之逼主有不  
足疑者以九四主卦而六五之柔以溺於豫不足有爲亦如前  
之以初九主卦而九五處險屯  
皆也時解以用賢保豫言非是

六五貞疾恒不死

䷋

豫之  
萃

六五雖居尊而柔弱失勢且逼於九四之剛乃沈溺

於豫樂之安而无能以自振人皆心比附於四而五擁虛位矣

此亦宴安之爲疾也六五安之是貞疾也貞常而人也然柔中非有

大惡而尊位未失則恒不死也

上六冥豫成有渝无咎

䷏ 豫之陰柔居豫之終是昏冥於豫而不自知者矣然以其

動體震體也或者既成而知變久迷而忽悟也苟能成而有渝則可无沈

溺之咎矣

䷏ 震下兌上

隨元亨利貞无咎

雷藏於澤雷動澤隨以卦德言此動彼說動則隨物說則物來



隨之卦變自困九來居初二三

困之九二下為隨之初九

以困於柔而困遂

隨柔也自噬嗑九來居五二三

噬嗑之上九下為隨之九五

以合於柔而因

遂隨柔也自未濟來則兼此二變三三

未濟之九二下為隨之初九未濟之七九下為

隨之九五未濟故隨柔以求濟也

柔本是隨故不謂之隨剛本不隨故以下柔為隨

皆有剛

來隨柔之意凡感應之際其通甚易況屈己之剛而隨柔柔安

有不說之而隨我者此非必慝德也故可以大亨

大亨本亨在剛也然

此涉於情也情易流於不正不正則隨非所隨隨非所隨則亨

亦未可必縱使得元亨亦滋之咎矣故必利於貞而後可以无

妄隨之咎隨出於貞則所謂發乎情止乎禮義也

初九官有渝貞吉出門交有功

三三

隨之

心者神明之官也心之體无思无爲寂然不動而萬

物備焉无所偏倚及夫有感而動以應事接物則心在事物非  
復寂然之體而官有渝矣然人之心原所以主夫事物苟非應  
事接物亦安用此无用之心官有渝非咎也惟恐所隨之非正  
則拂乎事物之理而失其性命之本然凶不免矣如其惟正之  
從則有中節之和而不失其由中達用之理初九剛正成震之  
主以動而說則亦隨之主也上无繫應非有私累以正動而无  
所私則貞而吉矣貞寂然之體雖曰萬物皆備而未徵之事物

未參以見聞則大體雖明而精微終不能以无失用情雖正而疑似或昧於所從故當出門以交以資麗澤之益廣聞見之實而後學問以日起而有功斯貞者无不貞而吉以益全也

言字四震

成卦主言出門以  
前陽斷盡取象

六二係小子失丈夫

三三

隨之兌

比剛柔相隨以比近者為易動蓋隨者動乎情者也

六二與九五本以中正相應然應五遠而比初近其上又有九

四之隔而初方動而上行則六二柔不能守係於初而失五矣

初處下故曰小子  
五在上故曰丈夫

六三係丈夫失小子隨有求得利居貞

三三

隨之革

六三本震體然遠初而比四則係四而失初四近君

而有爲三係而隨之可有求得矣然非正也君子利於居正豈徒計功謀利哉九三无應於上故得比而比猶是以情恐之也九四隨有獲貞凶有孚在道以明何咎

三三

隨之屯

九四君側大臣與九三同其剛德

此以言皆是剛爻非以同小同德言

而隨之爲卦以剛柔相比爲隨二三之柔遠於五而比於四是九四當人心之歸隨而有獲以人臣而當此則權勢上陵雖正亦凶也然君臣之際當略其迹而原其心果其精白一心而爲

所當為明於大義精白一心有孚也則人君自有以鑒之權位為所當為在道也

雖赫然何咎之有

九五孚於嘉吉

三三隨之九五陽剛中正下應六二之柔順中正孚於嘉也就六

二所處言則未免係小子失丈夫就九五人君惟賢之信則不應六二言則曰孚於嘉取象各不相泥

妄隨而吉矣

上六拘係之乃從維之王用亨於西山

三三隨之隨勢視乎情然情之至即誠之至也上六居隨之極无妄

則是彼動之誠此說之至情至於固結而不可解如既物繫之

又從而繫維之焉誠無不動可以感於神明矣王者用此道以  
亨於西山其吉而獲福所可知也

三三三  
異下  
艮上

盤元亨利涉大川先甲三日後甲三日

上山下巽上苟安而不復有爲下柔巽而不能匡正事之所以

日趨於壞也卦變自賁三三剛上居二柔下居初

賁之初九上  
爲巽之九二

賁之六二下  
爲巽之初九

徒事粉飾而終歸巽懦

所謂致飾而  
後事則盡矣

自井三三剛

上居上柔下居五

井之九五上爲巽之上九  
井之上六下爲巽之六五

事功未克而止而

不爲

所謂亦未始  
非而處其道

自既濟三三來則兼此二變

既濟之初九上  
爲巽之九二既

濟之六二下爲蠱之初九既濟之九五上恃爲既濟而不思患

爲蠱之上九既濟之上六下爲蠱之六五

預防

所謂終止則亂

又皆所以致上止下巽而蠱壞之由也蠱則不亨

而文王以爲治不生於治而生於亂未壞之世上下苟安不知

爲蠱所以終壞既壞之後變故日多蠱壞已形則人人思奮是

不惟可亨而且可以大亨但當改其止巽之習奮振有爲如涉

大川焉則其所利

利猶宜也

又不徒爲救弊補偏而更當盡取而更

張之以與天下更始如旬之復首於甲焉

凡事壞已極而奮奮習故常以思爲拂移

補綴未有能治天下者也

奮涉川之勇以圖更新之治此則蠱之所以可元

亨也且見幾宜於早則非待壞盡而後圖始也甲之先有辛焉

睹其必將大壞則急圖所以新之以立後事之端使不至於大壞則雖更張而不爲无漸先甲三日也

周子所謂知其弊而急反之

甲之後

有丁焉亦既知所更新則尤當致其丁寧以監前事之失使不至於速壞則於善始而卽以慮終後甲三日也此又所以治蠱者盡善之則也先天圖艮處辛壬之間巽處丁庚之間而艮於後天處癸甲間有成終成始之義

初六幹父之蠱有子考无咎厲終吉

三三爻

蠱之大者

卦爲已壞之精卦之六爻則皆以治蠱爲事初六柔

巽非能治蠱者此但以處蠱之初其蠱未深而易治則教人以



圖之於早欲人知所奮而爲勉勵之辭也前事已壞而未甚爲  
之後者誠能立其根幹以飭治之則壞者復治可以蓋前之失  
如幹父之蠱則是爲有子而考亦得以无咎然已壞而後求治  
則亦危矣能知其危而急圖幹之所以得終吉也父母字皆非  
實象即如左  
己所行已失而能  
奮改前非亦是

九二幹母之蠱不可貞

三三

蠱之  
艮

二與五應五柔不足有爲而壞事二剛才足有爲而

幹之以剛承柔故爲幹母之蠱幹蠱以正然救尊者之失則不  
可以剛正行之如九二之剛而得中以巽入之焉可也

九三幹父之蠱小有悔无大咎

三三

蠱之象

前人壞緒固所當改而九三過剛失中則幹父之蠱

而失之太驟小有悔矣然非剛何以幹蠱而九三又剛而得正且與體也異以行權而不失其正雖小有悔无大咎矣

六四裕父之蠱往見吝

三三

蠱之象

幹蠱以剛所貴涉川也六四柔居止體則於父之蠱

而寬裕處之蠱且日深矣率是以往見吝而已

六五幹父之蠱用譽

三三

蠱之象

六五亦非能幹蠱者然居尊得以有爲柔中則能下

士下有九二剛中之應則得人而用之以此能幹父之蠱矣己  
雖柔弱而能用此道則有以致幹蠱之譽也

上九不事王侯高尚其事

䷋ 蠱之升 壞亂之世身居事中則不得不竭力其事身在事外

則不妨獨善自安可矣上九之時蠱極之時也剛居止體蕭然  
事外而不事王侯高尚其事亦賢者之所以自處也

䷁ 兌下  
坤上

臨元亨利貞至於八月有凶

兌下坤上以兩象定位言則地臨於澤上臨下也以卦體上行

言則二陽浸長以臨四陰後臨前也文王主卦體言以陽氣浸  
長而四陰猶盛似未可以遽亨然卦德內和說而外行之以柔  
順則不犯小人之疑忌卦體九二剛中而得六五之應則得賢  
君之信用而可以有爲況以正勝不正天理固然而又有此數  
善則大亨而利於君子之正道所可必也貞字卽  
謂君子但陽陰消長  
治亂循環此日之陽長固善而吉而他日之陰長則有可憂如  
至於八月則爲遯卦陰長陰遯爲有凶矣君子尤不可不思患  
預防也

初九咸臨貞吉

䷆

臨之師

六爻於下二陽爻以陽臨陰為義上四陰爻以上臨

下為義初九剛正與九二協心以咸臨四陰

咸皆也

固得正而吉

之道也

九二咸臨吉无不利

䷆

臨之復

九二剛中說體而前與陰逼協初九以咸臨之其勢

上進吉而无不利矣

吉以道言无不利以事言

六三甘臨无攸利既憂之无咎

䷆

臨之泰

三居下卦之上則有臨民之責陰柔不中不正則无

長民之德而下之二陽則剛裕尤非易臨者六三說體之主則

以甘說者市民而已以甘說臨民民豈可聲音笑貌市乎无攸  
利也但以其居陽則或有志於改而三本危地若既憂其危而  
改之則可以无咎矣

六四至臨无咎

三三

臨之  
歸妹

六四柔正下應初九之剛正蓋好賢之至以臨之

如

庭在僕  
之類

以人事君己雖鮮才无咎之道也

以人事君  
意本程傳

六五知臨大君之宜吉

三三

臨之  
節

柔中居尊虛己下賢以應九二之剛中任用之又

能得人也知所當務之急而又有知人之哲以此臨民事无不治

民无不化是謂知臨得大君之宜矣吉可知也

上六敦臨吉无咎

䷒

臨之損

上六積坤體之厚以處臨之終以敦厚之德臨其民

者也深仁厚澤入於民心民无不化吉之道久而不變无間斷之咎矣

䷁

坤下巽上

觀臨而不薦有孚顒若

兩象風行地上草隨風偃是風化及民示民以觀也卦體九五居尊其下四陰仰之又內坤有和順之德積於中外巽則應事

之宜因乎事所存所發无不中正足以示法於民矣故曰觀然  
君德之所以化民者不徒在政教號令之著而存乎篤恭不顯  
之微如祭之盛乎致潔而薦獻之禮未行方此之時誠敬中存  
其孚信積於中而見於外者自顯然其可仰蓋不賞而勸不怒  
而威矣此所以爲大觀也若以陰陽消長言則此亦陽消陰長  
之卦然以九五當尊則不取陽消之義卦體與比略同而名義  
異者因水地相比則爲比風行地上則爲觀是卦名之本義也  
初六童觀小人无咎君子吝

三三三 觀之

卦以九五爲大觀下四陰皆仰而觀之觀以近者爲



得其詳故不利遠者初六以柔居最下則不足以見朝廷之聲  
名文物與聖人之盛德光輝矣故爲童觀在山野小人自不足  
責故无咎若所稱君子而亦如此則羞吝矣

天下自有稱君子而不免童觀者

六二闕觀利女貞

三三

觀之

柔不利遠六二居內以觀外雖有所見亦不廣矣闕

觀而已在女子之貞固爲利之婦人无外事也

在他卦以二五正應爲吉觀則

利比不

利應也

六三觀我生進退

三三

觀之

大觀在上時常盛明三居上下之間爲可進可退之

地然君子之進猶責於自審試觀在己之生平果其學裕才充  
可一出而有祥於民生國計則進可也若在己學有未足才有  
未充本未足有爲則退而自優其學可矣无徒爲奔競也以六  
居三其志在進然陰柔不中不正則實无可進但就觀時之義  
言六三坤體含章當出處之際故使之自審如此

此進退不宜  
淺看淺看則

反於爻  
義有疑

六四觀國之光利用賓於王

二六三

觀之  
否

四居外卦與二陽同體比近九五而六四亦柔正善

入是得以縱觀上國之光見禮樂之著明識帝王之盛德矣古

者得此爲利用朝覲仕進以賓於王也

古者天子於諸侯大夫之朝聘皆以賓禮接見

之於始仕而末受祿者亦以賓接之

九五觀我生君子无咎

䷓

觀之卦

此所謂大觀在上順而巽

五爲卦主自可兼坤巽卦德

中正以觀

天下者非有其德位未易當也占者宜自審觀我之生平果其有陽剛中正之德如九五焉則足大觀之君子可以當四陰之仰觀而无咎若己非君子則不足以當之而且爲凶咎所襲矣此實陰長陽消之卦周公繫此亦危辭也

上九觀其生君子无咎

三三三觀之身居位外矣然以陽居上是亦天下所仰觀也此初

使舜攝舜既使禹攝之後那天子之諸父兄弟身老而不居職位者故居之者宜自審觀其生平

果有君子之德則可以居上而无咎若少有失德則衆視所加

凶咎亦難免矣

三三三震下  
離上

噬嗑亨利用獄

震雷離電電閃於上而雷之震自下合之有噬之而合之意卦

體上下兩陽象臂中虛象齒頰而九四一陽間之震動而上則

噬之而合矣故曰噬嗑凡口之嚙物皆下動而上不動噬之而合則亨矣文王



宜如是犯之終者宜如是亦初辭擬之卒成之終之例也初九  
惡動於下爲有犯之初者屢校而已滅趾矣日履日趾皆因在下而言然止  
惡於初小懲大戒或後此知所改而可无咎矣

六二噬膚滅鼻无咎

三三

噬膚之履

六二以柔順中正之德而任治獄之事其所治宜若

噬膚之易矣

古有膚鼎絕烹腹上肉而无骨也

然下乘初剛則強梗難治之民

二之才不足則未免於滅鼻

自二至四上連中空有鼻象噬膚而傷鼻膚有大骨則或上解而傷

爛其鼻也強梗之民不服上法而反汚蔑其上是此象

然聽斷本得其平滅鼻於己无咎

也

期於在己无咎滅鼻非所問耳

六三噬腊肉遇毒小吝无咎

三三

噬時之離

六三陰柔不中正則不足以治人所噬之難如腊肉

矣

祭亦有腊肉小獸則全體而乾之故堅韌而難嚼且有骨梗刺

是以遇毒而致吝

毒謂噬膚而傷口或

梗咽也已非庚潔則強梗之民可反詰吾陰私以上訴是遇毒也

然居官治事法有當行則雖

小吝而无咎也

九四噬乾肺得金矢利艱貞吉

三三

噬時之頤

九四亦非中正而陽剛則君子之類剛柔交濟又治

獄之道故雖有難斷之獄如噬乾肺焉

肺肉帶骨而乾肺則愈難嚼難治之獄也

亦能受而聽斷之大獄入鈞金小獄入束矢

周禮大獄先入鈞金而後聽之金言

言我辭之堅而不變也金剛也鈞二十斤也小獄先入束生木而後聽之言已辭之直也五十矢爲束不先入金矢則是自輸而不堅不直不待聽矣既入金矢而聽之或所議終出皆來求聽証在財每沒入其金矢如累非証在財還其金矢也

於四矣然獄者民之命也刑一成而不可變是安可忽乎故必

利於艱難正固而後可以得吉勿徒恃有聽訟之長也

艱者心之敬慎

貞者法之明允

六五噬乾肉得黃金貞厲无咎

三三

噬乾之无妄

六五則柔不偏所謂柔上行而得中者也故所噬

雖難於膚而易於腊肺以位尊故也小獄非所侵大獄乃親聽之得黃金焉然位亦未當必其守正而又危厲以操其心然後



可以无咎獄非聖人所忍言也

上九何校滅耳凶

三三三

噬嗑之震

過極之陽怙終不改則重刑所宜加何校以至於滅

耳

日何曰耳皆凶在上而言

其凶必矣

亦言川獄者宜加重刑於此等人也

三三三

離下艮上

賁亨小利有攸往

山下有火火光所觸上之草木皆賁然生色卦德內離明外艮

止有明辯等威使各有定分之意外體陰陽相錯有適均成文

之意卦變自損柔來居二九上居三三三三

損之六三下為賁之六二損之九二上為

賁之以成內卦文明之體自既濟柔來居五剛上居上三三三既濟

之上六下為賁之六五既濟之九五上為賁之上九以成外卦艮止之象是剛柔相賁故

為賁文王蓋舉卦變言柔來文剛是質本剛固誠實而行之以

和柔故義理之文為有可行亨之道也剛往文柔則質本非誠

實而失之柔靡但外飾為勉強有力以自蓋其虛偽耳雖一時

小利有攸往而卒非可行之道也內卦之離以柔來文剛為主

離卦以中損剛益柔禮之和為貴也自損外卦之艮以剛上文

柔為主艮以上既濟矣而復文之其文為粉飾矣要之禮无文

不行故賁而亨若徒事乎文則雖利有攸往亦小而已聖人之

不欲尙文也

此節之解與  
晉說大異

初九賁其趾舍車而徒

三三

賁之  
艮

初九剛正有以自守明體有以燭幾上應六四四方

欲得己之剛以文之而初則无慕乎外也自以其剛明賁於下

而已雖有外至之車苟非所當得則舍之而安於徒步也

趾字  
徒字

皆以初

在下言

六二賁其須

三三

賁之  
大畜

六二柔而无應九三剛而无應而其體則皆正而非

邪也故以比近之故而剛柔相資以相賁焉二資三之剛以賁

己之柔如須之不能自動而附於頤以為資

須與同柔物也頤有骨剛體也自三

至上圖爻中虛有頤象而三當頤下生須之處二之陰附頤而下垂如須然也

才不足以有為而資三

之力也

九三賁如濡如永貞吉

三三

賁之頤

九三得正而過於剛上无所應宜賁柔者以賁之過

剛之人亦有不可行必得柔者以相與使己亦帶三分柔順而後可行也

而適處二四兩柔之間故

資以相賁則賁如濡如不至於過剛矣

三居二陰間有坎象然坎為水故曰濡如

又不可以習染於柔而自喪其剛也故曰永貞吉

六四賁如皤如白馬翰如匪寇婚媾

三三三

賁之

六四與初應四之陰柔急欲得初剛以相賁者而為

三所隔則不得所賁而瞠如矣然其求初之心則白馬翰如惟

恐其不能至也

言白馬者亦以其未得所賁故也

然九三剛正非為寇也三亦

以无應而欲資己之柔以為賁者求婚媾耳既非為寇則四終

得賁於初矣

初言舍車而徒則四言白馬翰如者剛可无求柔不能无求也

六五賁於丘園束帛芟芟吝終吉

三三三

賁之

家人 賁文飾之卦也然六五柔中无應有以自賁而艮體

篤實輝光止而不過是為自賁於丘園者

丘高土也丘園以山體之半取象加洽園

亭以為賁也賁玉不取君象文飾非人君之事

雖未嘗无交接往來之禮

賁也

而束帛亦

菱菱然此則陰性之吝嗇在文飾之世視此爲可羞吝矣然奢而無實孰若儉而有本奢而難繼孰若儉而有常君子以此爲終吉也

上九白賁无咎

三三賁之明夷處賁之極而上九陽剛篤實止而不行是反於无色

而以白爲賁者也范用賁字之意尚文則矯情飾僞而多過敦本則真

意不失而可行非惟補一己之過實挽頽風而振末俗補一世之過矣无咎

三三坤下  
三三艮上

剝不利有攸往

山在地上山之土恒剝落於地卦之五陰盛長而剝一陽當此之時君子必无可往矣卦德坤順艮止宜順時而止耳故直曰不利有攸往

初六剝牀以足蔑貞凶

三三

剝之

卦有牀象

古人坐樓卧牀通謂之牀

初陰剝陽於下剝牀以足而

其漸長之勢不至於盡蔑正道不已君子之凶然實亦小人之

凶也

六二剝牀以辨蔑貞凶

䷖

剝之牀之在足上者為辨  
牀足之半有橫幹以聯足而承牀者

陰之剝陽漸

進而上殘貞之志益顯而凶益甚矣

六三剝之无咎

䷖

剝之

六三處羣陰中而獨上應上九是能剝去其黨

之字指陰

類而與君子為援成敗利鈍未可知然而无殘貞之咎矣

六四剝牀以膚凶

䷖

剝之

剝自下體入於上體剝牀以膚

膚人身之膚

凶禍切矣

六五貫魚以宮人寵无不利

䷖

剝之

六五羣陰之長然艮體為止而不進又柔冲而比於



陽聖人扶陽抑陰且欲啟小人悔禍之端故不取剝陽爲象而

更取率羣陰以事陽之義魚生於水故爲陰物

古者婦人之祭以魚爲牲魚

類羣游故曰貫魚五率羣陰之象也以宮人寵如后夫人之率其衆媵姪娣以承事君子也能如是則有貞順之善而无蔑貞之惡无不利矣

上九碩果不食君子得與小人剝廬

䷖

剝之坤

陽剝已將盡而孤陽在上其勢危矣然艮爲止體艮

以成終而成始故陽无終盡之理剝窮上則反下碩果陽之在

上可種而復生者也

艮爲果實

碩果不食止而不終剝之象也大亂

之世存一君子必為衆心之所共戴故君子得與碩果不食亦

珍之矣羣陰坤體坤為與一陽居其上君子得與蓋君子之盛德足以庇覆兆民如

居之有廬也卦體有虛象上九若小人而猶欲剝君子則是自

剝其廬矣夫豈不知所轉計哉又所以為小人戒也

震下  
坤上

復亨出入无疾朋來无咎反復其道七日來復利有攸往

地中有雷陽氣之伏藏於下者蓋天地之陽原未嘗絕但伏之

愈深而不見至此乃復微有所動耳陰陽往復循環不窮剝窮

於上復反於下圓圓之繼坤以復是也一陽既復則生意油然而

自有必亨之勢

此當言元亨而不言元者其勢未盛然復即其元也

所可慮者或於生理

之萌而有所逆以害之耳

如果實方萌芽而或傷其萌芽則亦不能亨也

卦德震動坤

順是爲以順而動順其生理之自然則其來而日滋其暢遂條

達之幾自有不可得而遏抑者故爲己之出入既得无疾而朋

類之來亦得无咎此以人事言之天下望治君子有得行其道

之幾惟其出足有爲而又行之以和順內不失己外不失人則

其時雖陰小猶盛而在己自可以无犯小人之患

出入猶言行事也

同類因之並出而亦可无誣爲朋黨之咎拔茅連茹之征其本

諸此矣此復之所以亨也

朋來者一陽二陽以漸而至也

蓋陰陽反復治亂相

尋此天道之自然故自陰之始生以馴至於極盛則必有一陽來復之理約其期則曰七日來復此又以天運言也陽既來復則君子利有攸往矣顧利有攸往者因剛長之幾而所以能无疾无咎者則惟以動而順行之故天時人事交相輔也

初九不遠復无祇悔元吉

三三三

復之坤

陽盡之時而一陽復生於下復之主也剛正動體居

事之初失之不遠而遂復之蓋一事之過則能自知一念之非

則能自克是以行无不善而不祇於有悔大善而吉之道也

无祇

悔與无悔不同无悔者事雖未盡善而亦可无悔也无祇悔者事必期盡善而不至於悔也失之遠而求復則悔失之不遠而

己復則不  
至於悔矣

六二休復吉

䷗

復之

六二柔順中正比近於初

无應則觀其所比之善否矣

偶有所失

則能從初而遂復之无所勉強復之休美者

休者美之安也

吉之道也

六三頻復厲无咎

䷖

復之

以陰居陽則亦有志於復柔不中正動體之極遠不

初應近不初比則不能自固於復故頻失而頻復之頻失則厲

頻復則无咎也

六四中行獨復

䷗

復之震

內卦以自脩言外卦以用人而同世運言一陽之復

於下者其勢甚微而五陰之在上者其勢猶盛乃六四於羣陰之中獨與初九爲應是中行獨復以挽亂爲治引援善類爲心雖吉凶未可知而有功於世道人心爲已大矣

六五敦復无悔

䷗

復之屯

中順居尊當人心望治之日而力以撥亂反正爲心

故善類亦以復見是敦厚於復者也雖治未可知也而其道則已可无悔矣

上六迷復凶有災眚用行師終有大敗以其國君凶至於十年不

克征

䷗

復之頤

居復之終柔暗之極昏迷而不知復者凶之道也

復者

陽復也二比陽四應陽三五居位亦陽故皆有能復之意而惟上六爲柔暗之至又臨上爲敦臨而復上不得爲敦復者臨以地臨澤爲義故上六敦厚於臨者也此以陽復爲義則上六絕遠於陽迷復者矣 災天災害人過也陰

據上位而坤有衆象昏迷於復欲以力爭故又有用行師終有大敗以其國君之凶至於十年之久而不克征之戒此亦其災管之實也

䷗

震下乾上

无妄元亨利貞其匪正有眚不利有攸往

雷者天之陽也天之陽氣動於下而萬物各得天之生理以爲

生此得乎天之實理而无妄之本然也卦變自訟三三九自二

來居初

訟之九二下爲无妄初九

訟妄也水與天違行也來而居初以成震

體是能恐懼脩省及求而得其初心去妄而復於无妄者也卦

德震動乾健恐懼內省而健以行之則所行皆无妄矣卦體九

五剛中而應六二是无妄之行皆因物付物而中其節矣无妄

如此所以大亨然无妄亦有正有不正焉正而无妄則是合於

天理者所以大亨若其心雖本非有妄而所行實已不合乎天

理之正

如上九一爻又如荀息之患見生之信

則其心雖自謂非妄而於天理實



已妄矣如是則有膏而不利有攸往不利有攸往者不亨也

初九无妄往吉

二三无妄之否剛正動體上无應與无所私繫率其性初无妄之主

天理之正也率是以行安往而不吉與

六二不耕穫不菑畲則利有攸往

三三无妄之履柔順中正以應中正所謂因時順理而无私意期望

之心者也私意期望妄也計功謀利則將有往而踴躍顧慮所

如不遂此心戚然矣不耕以求獲不菑以求畲菑反草也謂害也三歲曰畲

謂已耕熟田也行所无事得失不足以困吾心斯所以利有攸往也亦

泰然之意

六三无妄之災或繫之牛行人之得邑人之災

三三三

無妄之  
同人

卦之動皆以天則三非有妄也然初二五皆動以

正而三四上則有不正矣六三動非其位是以雖无妄而或有意外之災如或繫之牛本爲行人之得而反爲邑人之災焉雖

問心无愧而亦審處有未精也

此父順義固未敢詳懇所以有  
哭要由於匪正蓋无妄只是誠

實人至矣必出以正則須有學故有本无妄而致災者不得將无妄試看正如蔡虛齋之說

九四可貞无咎

\_\_\_\_\_  
 \_\_\_\_\_  
 \_\_\_\_\_  
 \_\_\_\_\_  
 \_\_\_\_\_  
 \_\_\_\_\_  
 \_\_\_\_\_

无妄之益

九四雖无妄所處亦非正也然得天之剛而无所私

繫則可守此以爲正而此心可白亦可以无咎可貞者僅可而有所未盡之辭也

九五无妄之疾勿藥有喜

三三

无妄之  
噬嗑

乾剛中正以下應六二之中正卒得天之中以行

而行无不中節无妄之正也意外之疾亦勿藥而有喜矣甚言其大亨以正不於外至而有動也

上九无妄行有眚无攸利

三三

无妄  
之隨

上九非有妄也然處上亦非正上陰時已極矣而固

執而不通此卦象所謂其匪正有眚不利有攸往者也君子立

誠所貴窮理能有事於窮理則所以立誠者皆天命之正不能窮理則必信必果非有妄也而失正背理者多矣背理則天命不祐况窮極而不知變乎此所以行有眚而无攸利也

三三三  
乾下  
艮上

大畜利貞不家食吉利涉大川

天在山中有其象而不必有其事以山畜天大其所畜天畜於山畜之大也人心方寸耳而天地之大古今之遙人民萬物之繁常變經權之故可无不於心畜之豈非天在山中之有其象哉然此心之虛雖寂然不動而萬理備具而欲其實而有據以

盡此心之量則必由學問以實之而內非剛健則怠而不求外

非篤實則不重不威而得之也不因此卦內乾是能剛健而求

知不怠也外艮是篤實輝光重威而能固學也

艮爲山爲止是篤實也篤實之

至自有輝光如山之止而有草木光華也人之輕浮淺鮮者其

外輕其心亦必不靜未有能有學問者故孔子曰不重則不威

學則

不固是以能日新月益所積日深知性知天而成其大畜所畜

者大則所用可宏矣卦變自需三三九上居上

需之九五上爲大畜上九

五導而向之

卦變自需者資之大非可躡等以求俟其自然而得於已也大有言尚賢以上九尚六五言大吉言

尚賢以六五尚上九言何也曰離體以一陰爲卦主艮體以一

陽爲卦主中虛故明以明爲賢上剛乃止以止爲賢也

是

惟賢是尚知所擇而惟善爲師也卦德艮止乾健止則知所止

健則止而不遷是皆確乎天理之正人之所畜大而非正者有  
之行僻而堅言僞而辨學非而博順非而澤記醜而實則畜非  
所畜滋之凶耳是必惟善爲師以至於能知止而不遷然後爲  
大畜之正故又曰利貞所畜者大而皆正如是則朝廷之祿原  
所以養賢不家食吉也幼而學之壯而行之行其所畜莫非天  
理大川雖險且利涉矣言无不可行也此卦象專主學問言卦  
中全不涉止惡意止惡意乃周公因爻位而取象耳俗解因能  
止健之語而看作止惡是混象爻之旨而不知別大非文王孔  
子之意且使卦辭皆七  
零入落而不相串貫矣蓋復者仁心之見也仁心既見則貴有  
以實之實即實此仁所謂誠之者故繼復以无妄无妄必其以正則不可无

學問之功故繼无妄之大畜

所謂不明乎善不識其身矣

淺人不足語此

初九有厲利己

三三二

大畜之象

六爻分兩體看內乾三陽皆欲上行而為艮體所止

艮為陽卦非若巽之陰小艮象為山非若風之能畜而不能久故小畜之初二皆以得行其志而不入於小人之黨為說而大畜之初二則勢有所止而不能進也外艮以畜乾則以在位者禁止疆禦之民為象大意與小畜之巽體止乾同然巽以四主卦而四非能止乾則實賴五上之陽與之合力大畜則六五當尊又與四皆山體故惟有以善畜之則能畜矣是以又有不同

也小畜之三與四比昵於陰而志遂不復行大畜之三以與上同德前之二陰不足以畜而行遂不復止小畜之上言陰畜之成大畜之上言畜極而通此又皆以小大之不同故也此卦以陰陽相應爲相畜初九又上行而六四畜之勢未可行行則厲矣故利於己以正自守可也

九二與說輟

三三三

大畜之責

九二欲上行而爲六五所畜然初九性剛故戒以有

厲而利己九二剛中處柔則自知時勢而自止爲與說輟之象

輟車軸上伏免以承輿者也上四爻中虛有輿象二畜輿下之輟小畜之三說輟則輪毀而不行此爻說輟則待時而後行也



重言三十三通卷一  
易經如前  
一之六十一  
賢於初也

九三良馬逐利艱貞日閑與衛利有攸往

三三

大畜之損

陽居健極在下之上其才其勢皆可進矣上九亦陽

爻與之同德而不相畜又有畜極而通之勢故為良馬相逐而

皆進矣

乾為良馬又言才德足也

然過剛失中則恐銳進而有失故戒以利

艱貞言當持以戒慎守正之心也能以艱貞為心而日嫻習其

所以施之行而可无患者如日閑與衛焉

與所以養謂衛車之法也衛車上之安者

工記車有六等之數戈也人也父也銳也矛也彘也戈父則利  
校矛并衛身者戈最短矛最長日閑與衛因良馬逐言也則利

有攸往矣

六四童牛之牯元吉

三三

大畜之大有

四五兩爻皆以止強暴爲義初九之剛方動於下

而六四以柔正止之如牛之剛在角及牛之童而未角時牯之則不抵觸矣止惡於未發大善而吉也

六五豮豕之牙吉

三三

大畜之小畜

九二之剛已進而六五以柔中止之其勢稍難然

有其方焉不治其剛而化其所以用剛者如懼豕牙之爲害而

豮之

豮去其鬣九也今謂之消翬

則豕牙不害矣

豕性暴戾之剛性稍馴

豮亦吉之道

也

四止惡而無爲故元吉五之止惡已有傷故止曰吉

上九何天之衢亨

三三三 大畜之奉 大畜之成體无不具畜極而通得時而駕四達不悖

亨之至矣所謂不家食吉利涉大川者何天之衢驚喜快意之

辭也 天衢猶雲路也

三三三 震下 艮上

頤貞吉觀頤自求口實

上止下動而卦體中虛有頤之象 頤亦上止下動 飲食自頤人所以養

人故有養道文王以為人之養德養生皆有正否失正則凶必

得其正而後吉故宜觀其所養之道為何如所養之道得矣則

又宜求其所以養之之術爲何如蓋人有所養之道雖正而所

以養身之術有未盡善者

如饕餮非正饌飽有節正也而所食之宜又有辨焉得宜乃吉不得宜則

有傷也學爲聖人正而他學非正也然聖人之學人有方焉循序漸進乃吉躐等以求則或陷於異端而不覺矣大概所養之道是大畧一層說所以養身之術則就道中細審

一層說未義所以二字宜玩不是分兩對爲說

然此存乎人

之自考於己取之而已非他人所能與也故曰自求口實口實

謂實其口者因頤而言也

初九舍衛靈龜觀我朵頤凶

三三

頤乙

卦之六爻以陽實則有以養人陰虛則藉人之養初

九之陽本是以養人而无藉於人之養者卽曰位下亦剛正足

以自養而震爲動體上應六四則是見欲而動失其自養之正  
矣是舍爾靈龜而觀我朵頤也龜以外甲取象龜能不合者也  
朵頤上之下垂以初取象也  
其凶宜矣

六二顛頤拂經於丘頤征凶

三三三頤之損陰柔賴人以養而上无正應顛頤而求養於初則以

有位者而藉无位之人以養是拂經也非求養之常道也將上而求養

於上是於丘頤丘高土以艮上言也則違且與應近不與比无可求之理

征必得凶而已

六三拂頤貞凶十年勿用无攸利

三三

頤之  
賁

六二雖失所養之術然其品中正者也六三則不中

不正動體之極嗜慾流而不反并所養之道而拂之矣雖有應  
於上得養亦其正而三自以拂頤致凶雖至於十年之久而不  
可用无攸利也

六四顛頤吉虎視眈眈其欲逐逐无咎

三三

頤之  
噬嗑

內卦以自求養爲義外卦以求賢養民爲義又口腹

者嗜慾之流故動體多凶而靜體多吉也六四近君側有養民  
之任而陰柔无以養民以下應初九故顛頤而求養於初然四  
以柔正應初九之剛正則得乎求賢養民之道養不必自己出

而初九之能養人皆己之能養人矣是以顯頤而吉 卦凡以初九應六四

者在初則不喜其應四以剛正宜自守不當慕乎勢位也在四則以應初為善以其能下賢也若以初六應九四則皆不中正  
在初為上得中接在四為下私其黨也初九應四有柔順之內戒之以自守也自六四言則又以初剛為賢矣彼此不相及也

然必其求賢之志專壹而不已如虎視眈眈 眈眈目垂貌此借以為視下之貌見精

神所注也而其欲逐逐焉 逐逐相逐不已也然後賢者感吾之誠而肯來就

我賴賢者為吾養民无陰柔无才不稱其位之咎也 艮體篤實能下亦有

專壹之意

六五拂經居貞吉不可涉大川

三三 顯之 君養民者也六五柔而失正无養民之才德拂乎君

道之經而反賴上九之養

五尊位上无位故雖不言頤頤而責已拂經

然以其柔中

也不能自用而用人是亦不失為貞可居之而得吉若不自量

度而志於有為

五尊位則有有為之志

自用為賢如將涉大川焉則必不

能濟必不可矣

上九由頤厲吉利涉大川

三三

頤之復

陽剛艮體篤實敦厚方六五不能養人而賴上九之

養以養人是民由上九以養位高任重厲而吉之道也

此爻加諸葛武

任之尊役主

然其才其德足以任之而責亦无可辭故弘濟艱難利

涉大川也



三三三

巽下  
兌上

大過棟撓利有攸往亨

大過陽剛之過陽剛有爲亦大有過人之才者也四陽過盛於中則上下二陰不勝其重過剛有爲之世民不堪命非居民上者亦有傾危之患故有棟撓之象但二五剛中則過而有不過者存又以內巽外兌則在己存謙與敬慎之心而又以和說行之不爲行行自用之槩則以過人之才而又有此善可以利有攸往而亨矣蓋行之而得其道則雖重大非常之事民所難堪而亦可以有濟棟不至於終撓也

初六藉用白茅无咎

三三

大過之六

大過之時政煩事重難爲下矣初六以柔順巽體承

之凡事一於敬慎如藉用白茅焉則雖承重事而不至有摧折

傾覆之患可无咎矣

茅順柔順之意  
巽爲白爲潔齊

九二枯楊生稊老夫得其女妻无不利

三三

大過之六

凡物過剛則枯而九二剛過之初則枯猶未甚又下

比初陰得其滋潤以相濟如枯楊而生稊於下生意有復滋也

楊木之柔而近澤者與爲木巽下陰賁爲  
木之根九二與之連體是其下生稊也

夫雖老

只陽過  
便是老得其

女妻

初陰也

可以成生有之功人有剛而能濟之以柔者如是則

行无不利矣

九三棟橈凶

三三三

大過之四

三四正當棟象而九三以剛處剛其過尤甚剛復自

用人不能堪必至僨事棟橈之凶也

九四棟隆吉有它客

三三三

大過之五

以剛居柔過而不過其棟隆矣可以得吉然下應初

六更以柔濟之則過於柔矣用事而引進柔媚之人以共之自

失其剛何以有濟是有它則以取客也

此四之不喜應初者

九五枯楊生華老婦得其士夫无咎无譽

三三

大過之恒

九五剛過之至以剛處剛

四陽盛滿故日剛過之至

而所比者上

六已過之陰

以六居上則為已過

是如久枯之楊而偶或得微潤以生華

於上

陽得陰而偶見復花六有兌說之意

上雖餘氣未盡而下本已久枯矣如已

老之婦而得陽壯之夫

因上老於五故言士

一時若有室家之合而无咎

然必不能成生育之功无可舉也

上六過涉滅頂凶无咎

三三

大過之姤

陰柔无才而處大過之極之世必不能以有濟如過

於涉水以沈溺而滅其頂凶莫甚矣

過涉以澤取象滅頂以在上象

然以求濟

國事而忘其身於義自无可咎也

其忠貞可嘉其心无不可原也

三三三  
坎下  
坎上

習坎有孚維心亨行有尙

坎卦之中實者乾體天一之生水外虛者坤體地六之成水也  
坎者地之險陷陽動陰中水實其坎而流於坎中以陽陷陰中  
故爲險爲陷以中實而其流有常故爲孚以流无不達故坎亦  
爲通此卦上下皆坎則是一坎而又一坎故曰習坎水涉重險  
而盈科後進方盈則流有孚心亨之象人能處重險而有不失  
其常之度有剛毅不挫之操則亦有孚心亨而行有尙險无不  
通矣

初六習坎入於坎窞凶

二二

坎之節

重險之地惟剛中者乃能處之而心亨若陰柔則必

不能况柔而不正者尤非所以能處險而通也初六以陰柔居

重險之下是既習坎而入於又坎窞

窞者坎中之旁有穴也坎底之闕畫所以象之陷

益深而凶必矣

九二坎有險求小得

二二

坎之比

方處重險之中有險自所不免

重坎以時地言有險以事言

然九

二剛中則雖未能出險而有求可以小得也

得亦險中之得

六三來之坎坎險且枕入於坎窞勿用

三三

坎之井

三處二坎之中來往皆坎

之佳也

是則險不可行殺就

无可安六三以柔不中正處之其陷益深入於坎窞而已不可

用也

六四樽酒簋贰用缶納約自牖終无咎

三三

坎之困

六四柔而得正上比九五陽剛中正之君惟君臣合

力同心剛柔相濟而後可以濟險然方任險中則宜以誠樸相

與而勿事繁文以委曲相通而期於相信故宜以樽酒簋食為

禮而貳之以瓦缶之誠心

酒食必皆有瓦用缶者示樸誠之意也

用以進結於君

因君所明而人之如納約自牖焉

酒以水取象簋缶皆取中滿之象屬木旁通之文鄭云坎

也 如是則君臣相信剛柔相資中正相與始雖艱難而終得无

咎可期於出險之功矣

九五坎不盈祗既平无咎

三三

坎之師

九五尙在險中坎之水不盈而未出也然以陽剛中

正之德居於尊位則處之有道而權又足有爲且時亦將出其亦將既平矣安以慮之自无終陷於險之咎也

上六係用徽纆寘於叢棘三歲不得凶

三三

坎之渙

以陰柔之資處坎之極非有出險之能而徒益之險

如係用徽纆矣然而又寘於叢棘焉

上六在坎上故非坎害而別爲此象微二段交辭之



龜遷三股交卦之程微程之轉罪人如二陰之隨一陽也坎於木為堅多心於實心而多刺亦坎象也叢棘者以上下兩坎言也不安之至也雖至三歲之久亦不能有所得

係用微程動不得言无才也其

於叢棘安得  
不言處險也 其凶如此

三三  
離下  
離上

離利貞亨畜牝牛吉

離卦之中虛者坤體地二之生火外實者乾體天七之成火也

離者物有所麗陰生陽中火麗於物而發其光明以陰麗於陽

故為麗火无質而麗於物以發其物之光也

如麗於木麗  
於石皆然 離之

發而文明如坤道之含物化光陰不能自有所為亦麗於陽以

爲陽之所爲而因以自見耳人得乎質之柔者非能自有所爲  
則必附麗於剛者而後能相與有成行无不通但吾之所以附  
麗於人者及吾所附麗之人皆必得其正而後可通卦體之六  
二柔麗乎中正以能有文明炳著之象故文王言離必利於貞  
而後亨非麗於正固无以得亨也

此須開看如人讀書便是麗於書讀正書則通理讀不正

之書則不通理矣人執事便是麗於事做正事則通行做不正之事則不通行矣不獨麗於人爲麗也然離之所

以爲離者以其柔也一於柔順則能有所麗而物亦麗之稍非

柔順則无以能麗而自拂其所麗矣故用畜牝牛焉則亨而且

吉也

畜牝牛也坤爲牛離得坤之中爻則亦爲牛牝牛則柔順之至者一主於柔順之至則亦順而健矣如讀一正書則

終身遵此正書義一正養則終身事此正養  
附一正人則事事依此正人方是畜牝牛也

初九履錯然敬之无咎

三三三

離之離以畜牝牛吉惟柔順乃得所麗而剛則非所用况

剛而不中正則必取凶初九處事之初而性剛動急志於上行

火性炎上

有進不及察之意故其履錯然

錯然然

將麗非所麗矣然

以其剛而得正且在事初故戒以敬之則可无咎蓋敬則從容

詳慎不敢苟且而揆事之明生无履錯以致咎之事矣

六二黃離元吉

三三三

離之

大有柔麗乎中正畜牝牛者也黃中正之色也以中正為

其所離大善而吉矣

坤以柔順自下言故曰黃裳離以柔順而麗中正言故曰黃離離之黃得坤之黃也

九三曰昃之離不鼓缶而歌則大耋之嗟凶

三三

離之

以離為日則九三曰昃時也

前明將盡

而過剛不中急於

有為

火性動急

不能安常自樂有慕於外外之不得心戚然矣不鼓

缶而歌則大耋之嗟日暮而倒行逆施何所不至凶之道也然

以其剛明也故猶欲之知鼓缶而歌云

離以中虛象正而能發聲

九四突如其來如焚如死如棄如

三三

離之

剛不中正以處後明方繼之初急遽有為而麗非所

麗矣

以不正也

凡事突如其來如處之不詳以自取禍焚如死如棄

如極言其下急不敬之取凶禍也

焚亦以離火取義剛柔之性其火自焚也。○程傳以強臣

逼君言是有此象然本義不用其說者下急失正之害所指者廣不止泥於君臣之義也

六五出涕沱若戚嗟若吉

三三

離之同人

六五柔中而未正迫於上下之陽則麗於尊位而有

所不安故憂懼存心出涕沱若

見於目

戚嗟若

見於口

而後有保其

位之吉蓋人君未有不知憂懼而能吉者而柔順之君才不足

以馭下則憂懼宜益深也

二麗乎中正則行无不盡善以麗乎二陽二陽亦因而麗之不待憂懼也

五中而未正則心雖不偏而事或未盡善非利貞亨之義陽不之附則憂懼矣不知憂懼則二陽適以逼之既知憂懼則二陽亦以輔之則所以終吉也

上九王用出征有嘉折首獲匪其醜无咎

三三

離之

豐火之性炎上而以空明上九之上更无所闕則得以

遂其空明之性而剛明及遠矣剛明及遠之用无所不亨而出  
征之大則尤貴剛明且離之用柔而出征則宜用剛故王公用  
此剛明及遠者以出征則有嘉美之功折首而匪其醜

離為甲冑戈兵

以外剛故也故此爻有出征之義折首獲其為首者也獲匪其醜不治其脅從也以剛故有威而能斷以明故能正其罪而刑不濫二句俱兼有剛明意不只以折首為剛以獲匪其首為明用剛而得其所宜則與畜牝牛之義不相背矣故无咎

後學李承超重訂

後學李啟泮

李振秀

余龍光

余麗元

李際唐校正

後學李振琯

潘鴻儀校錄

易經如話卷之一終